

四庫全書

史部

欽定四庫全書

資治通鑑卷六十

宋 司馬光 撰

胡三省 音註

漢紀五十二

起重光協洽盡昭陽作噩凡三年

孝獻皇帝乙

初平二年春正月辛丑赦天下 關東諸將議以朝廷

幼冲迫於董卓遠隔關塞

關塞謂函谷關桃林塞也

不知存否幽州

牧劉虞宗室賢雋欲共立為主曹操曰吾等所以舉兵

而遠近莫不響應者以義動故也今幼主微弱制於姦

臣非有昌邑亡國之釁

昌邑謂昌邑王賀也

而一旦改易天下其

孰安之諸君北面我自西向

幽州在北長安在西故操云然

韓馥袁紹

以書與袁術曰帝非孝靈子欲依絳灌誅廢少主迎立

代王故事

少詩照翻

奉大司馬虞為帝術陰有不臣之心不

利國家有長君

長知兩翻

乃外託公義以拒之紹復與術書

曰今西名有幼君無血脉之屬

謂帝非靈帝子也復扶又翻下同

公卿

以下皆媚事卓安可復信

復扶又翻下同

但當使兵往屯關要

皆自蹙死東立聖君太平可冀如何有疑又室家見戮

不念子胥

謂子胥能報父兄之讎也

可復北面乎

以殺袁隗等為出於帝

術答

曰聖主聰叡有周成之質賊卓因危亂之際威服百寮此乃漢家小厄之會乃云今上無血脉之屬豈不誣乎

又曰室家見戮可復北面此卓所為豈國家哉懷懷赤

心

懷力侯翻

志在滅卓不識其他馥紹竟遣故樂浪太守張

岐等齎議上虞尊號

樂浪音洛琅上時掌翻

虞見岐等厲色叱之

曰今天下崩亂主上蒙塵吾被重恩

被皮義翻

未能清雪國

恥諸君各據州郡宜共戮力盡心王室而反造逆謀以

相垢汙邪

汙烏故翻

固拒之馥等又請虞領尚書事承制封

拜復不聽欲犇匈奴以自絕紹等乃止 二月丁丑以

董卓為太師位在諸侯王上 孫堅移屯梁東為卓將

徐榮所敗

敗補通翻

復收散卒進屯陽人

賢曰梁縣屬河南郡今汝州縣陽人

聚故城在

梁縣西

卓遣東郡太守胡軫督步騎五千擊之以呂

布為騎督軫與布不相得堅出擊大破之梟其都督

華雄

梟古堯翻華戶化翻

或謂袁術曰堅若得雄不可復制此為

除狼而得虎也術疑之不運軍糧堅夜馳見術

陽人去魯陽百

餘里

畫地計校曰所以出身不顧者上為國家討賊

偽翻為于

下慰將軍家門之私讎堅與卓非有骨肉之怨也而將

軍受浸潤之言

浸潤之譖出論語

還相嫌疑何也術踧踖

踧子六翻

踏資昔翻踧踏不自安貌

即調發軍糧

調徒鈞翻

堅還屯卓遣將軍李傕

說堅

催克角翻說輸芮翻後同

欲與和親令堅疏子弟任刺史郡守

者許表用之堅曰卓逆天無道今不夷汝三族縣示四

海

縣讀曰懸

則吾死不瞑目

瞑莫定翻

豈將與乃和親耶

乃汝復也

進軍大谷距雒九十里

賢曰大谷口在故嵩陽西北八十五里北出對雒陽故城張衡

東京賦云盟津達其後大谷通其前是也距至也

卓自出與堅戰於諸陵間卓

敗走卻屯澠池聚兵於陝

澠彌充翻陝式冉翻

堅進至雒陽擊呂

布復破走堅乃掃除宗廟祠以太牢得傳國璽於城南

甄官井中

甄官署之井中也晉職官志少府之屬有甄官令而續漢志無之蓋屬於他署未置專官

也甄官掌琢石陶土之事為後建安元年袁術奪璽張水璽斯氏翻

分兵出新安澠池間

以要卓卓謂長史劉艾曰關東軍敗數矣

要一遙翻數所角翻皆

畏孤無能為也惟孫堅小意

說丈曰意愚也音都降翻

頗能用入當

語諸將使知忌之

語牛俗翻下同

孤昔與周慎西征邊韓於金

城孤語張溫求引所將兵為慎作後駐溫不聽溫又使

孤討先零叛羌

零音隣

孤知其不克而不得止遂行留別

部司馬劉靖將步騎四千屯安定以為聲勢叛羌欲截

歸道

截即截字

孤小擊輒開畏安定有兵故也虜謂安定當數

萬人不知但靖也而孫堅隨周慎行謂慎求先將萬兵

造金城

將即亮翻造七到翻

使慎以二萬作後駐邊韓畏慎大兵

不敢輕與堅戰而堅兵足以斷其運道

斷丁管翻

兒曹用其

言涼州或能定也溫既不能用孤慎又不能用堅卒用

敗走

事見五十八卷靈帝中平二年卒子恤翻

堅以佐軍司馬所見畧與人

同固自為可

言其才可用也

但無故從諸袁兒終亦死耳乃使

東中郎將董越屯澠池中郎將段熲屯華陰

熲烏回翻華戶化翻

中郎將牛輔屯安邑

姓請牛本自殷周封微子於宋其裔司寇中父敗狄於長丘死之其

子孫以上父字為氏

其餘諸將布在諸縣以禦山東輔卓之壻也

卓引還長安孫堅修塞諸陵

塞悉則翻

引軍還魯陽夏四

月董卓至長安公卿皆迎拜車下卓抵手謂御史中丞

皇甫嵩曰義真怖未乎

皇甫嵩字義真怖音布翻

嵩曰明公以德輔

朝廷大慶方至何怖之有若淫刑以逞將天下皆懼豈

獨嵩乎卓黨欲尊卓比太公稱尚父卓以問蔡邕邕曰

明公威德誠為巍巍然比之太公愚意以為未可宜須

關東平定車駕還反舊京然後議之卓乃止卓使司隸

校尉劉鶯籍吏民有為子不孝為臣不忠為吏不清為

弟不順者皆身誅財物沒官於是更相誣引

更工衛翻

冤死

者以千數百姓鶯鶯道路以目

鶯五孟翻卓昭曰不取發言以目相眴而已

六月丙戌地震 秋七月司空种拂免以光禄大夫

濟南淳于嘉為司空

濟子禮翻

太尉趙謙罷以太常馬日磾

為太尉

碑丁奚翻

初何進遣雲中張楊還并州募兵會進

敗楊留上黨有衆數千人袁紹在河内楊往歸之與南

單于於扶羅屯漳水

濁漳水出上黨長子而東過鄆鄆則韓馥所居也

韓馥以

豪傑多歸心袁紹忌之陰貶節其軍糧欲使其衆離散

會馥將麴義叛

姓譚漢有平原鞠譚其子閭避貶改曰麴氏後遂為西平著姓

馥與戰

而敗紹因與義相結紹客逢紀謂紹曰

逢蒲江翻

將軍舉大

事而仰人資給

仰牛向翻

不據一州無以自全紹曰冀州兵

強吾士饑乏設不能辦無所容立紀曰韓馥庸才可密

要公孫瓚

要讀曰邀

使取冀州馥必駭懼因遣辯士為陳禍

福

為于偽翻

馥迫於倉卒

卒讀曰猝

必肯遜讓紹然之即以書與

瓚瓚遂引兵而至外託討董卓而陰謀襲馥馥與戰不

利會董卓入關紹還軍延津

續漢志酸棗縣北有延津

使外甥陳留

高幹及馥所親潁川辛評荀諲郭圖等說馥曰

諲時壬翻說輸

萬公孫瓚將燕代之卒乘勝來南而詣郡應之其鋒不

可當袁車騎引軍東向

自河內至延津為東向

其意未可量也

量音

良竊為將軍危之

為于偽翻

馥懼曰然則為之奈何謹曰君

自料寬仁容衆為天下所附孰與袁氏馥曰不如也臨

危吐決

吐決謂吐奇決策也

智勇過人又孰與袁氏馥曰不如也

世布恩德天下家受其惠又孰與袁氏馥曰不如也謹

曰袁氏一時之傑將軍資三不如之勢久處其上

處昌呂翻

彼必不為將軍下也夫冀州天下之重資也彼若與公

孫瓚并力取之危亡可立而待也夫袁氏將軍之舊且

為同盟

謂同盟
討董卓

當今之計若舉冀州以讓袁氏彼必厚

德將軍瓚亦不能與之爭矣是將軍有讓賢之名而身

安於泰山也馥性恒怯因然其計

恒去
王翻

馥長史耿武別

駕閔純治中李歷聞而諫曰

考異曰九州春秋作耿
或今從范書魏志袁紀又

范書騎都尉沮授諫無
李歷今從魏志袁紀

冀州帶甲百萬穀支十年袁紹

孤客窮軍仰我鼻息

鼻息氣一出入之頃也鼻氣嘘之
則溫吸之則寒故云然醫書云血

為脈氣為息脈息之名自是而分呼吸者氣之索篇動
應者血之波瀾其經以身寸度之計十六丈二尺一呼
脈再動一吸脈再動呼吸定息脈五動閔以大息則六
動一動一寸故一息脈行六寸十息六尺百息六丈二

百息十二大七十息四大二尺計二百七十息漏水下
二刻盡十六大二尺營周一身百刻之中得五十營故
曰脉行陽二十五度行陰二十五度也息者以呼吸定
之一日計一萬三千五百息呼吸進退既遲於脉故一
日一夜方行盡十六丈二尺經絡而氣周於一身大會
於風府脉屬陰行速猶太陰一月一周天息屬陽陽
行遲猶太陽一歲一周天如
是則應天常度間當作間譬如嬰兒在股掌之上絕

其哺乳立可餓殺奈何欲以州與之馥曰吾袁氏故吏

且才不如本初度德而讓

度徒洛翻

古人所貴諸君獨何病

焉先是馥從事趙浮程渙將彊弩萬張屯孟津

先悉薦翻將即

亮聞之率兵馳還時紹在朝歌清水

據水經清水出河內脩武縣逕獲嘉

汲縣而入于河不至朝歌惟淇水則逕朝歌耳蓋俗亦呼淇水為清水據九州春秋紹時在朝歌清水口浮等自孟津東下則兩軍皆舟行大河而向鄴也清水口即淇口南岍即延津

浮等從後來船數

百艘衆萬餘人整兵鼓夜過紹營紹甚惡之

惡鳥路翻

浮等

到謂馥曰袁本初軍無斗糧各已離散雖有張楊於扶羅新附未肯為用不足敵也小從事等請以見兵拒之

見賢遍翻

旬日之間必土崩瓦解明將軍但當開閣高枕

枕職

任翻

何憂何懼馥又不聽乃避位出居中常侍趙忠故舍

遣子送印綬以讓紹紹將至從事十人爭棄馥去獨耿

武閔純杖刀拒之不能禁乃止紹皆殺之紹遂領冀州

牧承制以馥為奮威將軍而無所將御

將即亮翻將御猶言統御也

亦無官屬紹以廣平沮授為奮武將軍

廣平縣屬鉅鹿郡沮千余翻又

音諸姓也黃帝史官沮誦之後

使監護諸將寵遇甚厚

監古衙翻魏郡審配

鉅鹿田豐竝以正直不得志於韓馥紹以豐為別駕配

為治中及南陽許攸逢紀賴川荀諲皆為謀主紹以河

內朱漢為都官從事

紹置都官從事則猶領司隸校尉也

漢先為韓馥所

不禮且欲徵迎紹意

徵一逆翻

擅發兵圍守馥第拔刃登屋

馥走上樓

上時掌翻

收得馥大兒槌折兩腳

折而設翻

紹立收漢

殺之馥猶憂怖從紹索去

怖普布翻索山客翻

往依張邈後紹遣

使詣邈有所計議與邈耳語

耳語附耳而語也

馥在坐上

坐但卧翻

謂為見圖無何起至溷以書刀自殺

溷戶困翻圓也厠也時雖已有紙猶

多用刀筆書故有書刀

鮑信謂曹操曰袁紹為盟主因權專利將

自生亂是復有一卓也

復扶又翻

若抑之則力不能制祇以

遘難

遘與構同難乃旦翻

且可規大河之南以待其變操善之會

黑山于毒白繞眭固等十餘萬衆略東郡王肱不能禦

曹操引兵入東郡擊白繞於濮陽破之

肱息為翻
濮陽木翻

袁紹

因表操為東郡太守治東武陽

東武陽縣屬東郡應劭
曰縣在武水之陽水經

註曰武水即漯水賢曰故城
在今魏州莘縣南守式又翻

南單于劫張楊以叛袁

紹屯於黎陽董卓以楊為建義將軍河內太守 太史

望氣言當有大臣戮死者董卓使人誣衛尉張溫與袁

術交通冬十月壬戌笞殺溫於市以應之

張溫不能斬
卓於西征之

時死於卓手
可哀也已

青州黃巾寇勃海衆三十萬欲與黑山

合公孫瓚率步騎二萬人逆擊於東光南大破之

東光
縣屬

物海賢曰
今滄州縣

斬首三萬餘級賊棄其輜重重直用翻奔走度河

瓚因其半濟薄之賊復大破復扶又翻下同死者數萬流血丹

水言水為丹也收得生口七萬餘人車甲財物不可勝筭勝音

升威名大震 劉虞子和為侍中帝思東歸使和偽逃

董卓潛出武關詣虞令將兵來迎考異曰范書劉虞傳虞使田疇使長安

時和為侍中因遣從武關出按魏志公孫瓚傳但云天
子思歸不云因疇至也若爾當令和與疇俱還不應出武

關又疇未還劉虞已死虞死在初平四年冬界橋戰在三年春范書誤也和至南陽袁術利

虞為援留和不遣許兵至俱西令和為書與虞虞得書

遣數千騎詣和公孫瓚知術有異志止之虞不聽瓚恐

術聞而怨之亦遣其從弟越將千騎詣術

從才用翻下同

而陰

教術執和奪其兵由是虞瓚有隙

虞先與瓚有隙至是而隙愈深

和逃

術來北復為袁紹所留是時關東州郡務相兼并以自

彊大袁紹袁術亦自離貳術遣孫堅擊董卓未返紹以

會稽周昂為豫州刺史龔奪堅陽城

陽城縣屬潁川郡堅領豫州刺史屯

陽城堅歎曰同舉義兵將救社稷逆賊垂破而各若此吾

當誰與戮力乎引兵擊昂走之袁術遣公孫越助堅攻

昂越為流矢所中死

中竹仲翻

公孫瓚怒曰余弟死禍起於紹

遂出軍屯磐河

水經大河故瀆東北遼西平昌縣故城北分沁東入般縣為般河余據賢註般

音卜滿翻此作磐讀當如字賢又曰般即爾雅九河鈎磐河也其枯河在今滄州樂陵縣東南魏儀地形志安

德郡般縣有故般河

上書數紹罪惡

數所具翻

進兵攻紹冀州諸城多

叛紹從瓚紹懼以所佩勃海太守印綬授瓚從弟範遣

之郡而範遂背紹領勃海兵以助瓚

背蒲妹翻

瓚乃自署其

將帥嚴綱為冀州刺史田楷為青州刺史單經為兗州

刺史

單音善姓也姓譜周卿士單襄公之後

又悉改置郡縣守令初涿郡

劉備中山靖王之後也

蜀書云備中山靖王勝子陸城亭侯貞之後然自祖父以上世

系不少孤貧與母以販履為業

少詩

長七尺五寸垂手

下邳顧自見其耳

長直亮翻鄰與膝同言其有異相也

有大志少語言喜

怒不形於色

少詩

嘗與公孫瓚同師事盧植由是往依

瓚瓚使備與田楷徇青州有功因以為平原相備少與

河東關羽涿郡張飛相友善

少詩

以羽飛為別部司馬

分統部曲備與二人寢則同牀恩若兄弟而稠人廣坐

坐徂

侍立終日隨備周旋不避艱險常山趙雲為本郡

卧翻

將吏兵請公孫瓚

為于偽翻
將即亮翻

瓚曰聞貴州人皆願袁氏

願下
當有

從

尹何獨迷而能反乎雲曰天下訥訥

訥許容翻衆
語喧曉之貌

未知孰是

民有倒縣之厄

縣讀
曰懸

鄆州論議從仁政所在不為忽袁公私明將

軍也

為于偽
翻下同

劉備見而奇之深加接納雲遂從備至平原為備主騎

兵

劉備事
始此

初袁術之得南陽戶口數百萬而術奢淫肆欲徵斂

無度

斂力
贍翻

百姓苦之稍稍離散既與袁紹有隙各立黨援以相圖

謀術結公孫瓚而紹連劉表豪傑多附於紹術怒曰屏豎不吾

從而從吾家奴乎

據袁山松書紹司空逢之學
子出後伯父成故術云然

又與公孫瓚書曰紹

非袁氏子紹聞大怒衍使孫堅擊劉表表遣其將黃祖逆戰於

樊鄧之間

鄧縣屬南陽郡樊城周仲山甫之邑在漢水北杜佑曰樊城今襄州安養縣劉昫曰鄧城縣漢之鄧縣古

樊城也宋改安養縣天寶元年改為臨漢縣貞元二十一年移縣古鄧城乃改為鄧城縣

堅擊破之遂圍

襄陽表夜遣黃祖潛出發兵祖將兵欲還堅逆與戰祖敗走竄

峴山中

峴山去襄陽十里峴戶典翻

堅乘勝夜追祖祖部曲兵從竹木間暗

射堅殺之

射而亦翻考異曰范書初平三年春堅死吳志孫堅傳亦云初平三年英雄記曰初平四年正月七日死袁紀初

平三年五月山陽公載記載策表曰臣年十七喪父所怙裴松之按策以建安五年卒時年二十六計堅之亡策應十八而此表云

十七則為不符張璠漢紀及胡冲吳歷並以堅初平二年死此為是而本傳誤也今從之堅所舉孝

廉長沙桓階詣表請堅喪表義而許之堅兄子資率其

士衆就袁術術復表資為豫州刺史

復扶又翻下同

術由是不

能勝表

初董卓入關留朱儁守雒陽而儁潛與山東

諸將通謀懼為卓所襲出奔荊州卓以弘農楊懿為河

南尹儁復引兵還雒擊懿走之儁以河南殘破無所資

乃東屯中牟移書州郡請師討卓徐州刺史陶謙上儁

行車騎將軍

上時掌翻

遣精兵三千助之餘州郡亦有所給

謙丹陽人

丹陽縣屬丹陽郡今潤州縣

朝廷以黃巾寇亂徐州用謙

為刺史謙至擊黃巾大破走之州境晏然 劉焉在益州

陰圖異計沛人張魯自祖父陵以來世為五斗米道陵即

今所謂天師者也後客居于蜀魯母以鬼道常往來焉魏寇謙之祖其道

家焉乃以魯為督義司馬

洪氏隸釋曰劉焉在蜀創置督義司馬助義張義校尉劉

表在荊州亦置校尉漢以張脩為別部司馬合兵

掩殺漢中太守蘇固斷絕斜谷閣

斜谷在漢中西北今興元府西北入斜谷

路至鳳州界百五十里有棧閣二千九百八十九間板閣二千八百九十二間郡國志曰褒城縣北有褒谷北口曰斜南口曰褒長四百七十里同為一谷兩山高峻中間谷道褒水所流曹操謂斜谷道為五百里石穴者此

也余據班志斜水出衙嶺山北至郿入渭褒水亦出衙嶺南至南鄭入沔則褒斜雖同為一谷而衙嶺乃其分水處也斷丁管翻斜音殺害漢使馬上書言米賊斷道余奢翻谷音殺又音洛

不得復通

斷丁管翻

又託他事殺州豪彊王咸李權等十餘

人以立威刑捷為太守任岐及校尉賈龍由此起兵攻

焉焉擊殺岐龍焉意漸盛作乘輿車具千餘乘

乘經證翻

劉

表上焉有似子夏在西河疑聖人之論

禮記檀弓曾子責子夏曰吾與

子事夫子於洙泗之間退歸老於西河之上使西河之人疑汝於夫子而罪一也表蓋言焉在蜀僭擬使蜀人疑為天子也

上時掌翻

時焉子範為左中郎將誕為治書御史

續漢

志曰治書侍御史二人秩六百石掌選明法律者為之凡天下諸獄疑事掌以法律當其是非蔡質曰選御史高第補之胡廣曰宣帝幸宣室齋居而決事

令御史二人治書治書御史起此治直之翻

璋為奉車都

尉皆從帝在長安惟小子別部司馬瑁素隨焉帝使璋曉喻焉焉留璋不遣公孫度威行海外中國人士避

亂者多歸之北海管寧邴原王烈皆往依焉寧少時與華

歆為友

少詩照翻華戶化翻

嘗與歆共鋤菜見地有金寧揮鋤不

顧與瓦石無異歆捉而擲之人以是知其優劣邴原遠行避學八九年而歸師友以原不飲酒會米肉送之原

曰本能飲酒但以荒思廢業故斷之耳

思相吏翻
斷音短

今當

遠別可一飲燕於是共坐飲酒終日不醉寧原俱以操

尚稱度虛館以候之

操七到翻候者伺其至也

寧既見度乃廬於山

谷時避難者多居郡南

難乃旦翻

而寧獨居北亦無還志後

漸來從之旬月而成邑寧每見度語唯經典不及世事

還山專講詩書習俎豆非學者無見也由是度安其賢

民化其德邨原性剛直清議以格物

格正也

度以下心不

安之寧謂原曰潛龍以不見成德

乾初九潛龍勿用孔子曰君子以成德為

行潛之為言也隱而未見行而未成是以君子弗用見賢過翻言非其時皆招禍之道

也密遣原逃歸度聞之亦不復追也復扶又翻王烈器業過

人少時名聞在原寧之右少詩照翻聞文運翻名聲所至曰聞善於教誘

鄉里有盜牛者主得之盜請罪曰刑戮是甘乞不使王

彥方知也王烈字彥方烈聞而使人謝之遺布一端布帛六丈曰端

一曰八丈曰端按古以二丈為端遺于季翻或問其故烈曰盜懼吾聞其過

是有耻惡之心既知恥惡則善心將生故與布以勸為

善也後有老父遺劍於路行道一人見而守之至暮老

父還尋得劍怪之以事告烈烈使推求

推尋也

乃先盜牛

者也諸有爭訟曲直往質之於烈

質正也

或至塗而反或

望廬而還

還旬緣翻

皆相推以直

推移也前書韓延壽傳以田相移即此義也

不

敢使烈聞之度欲以為長史烈辭之為商賈以自穢乃

免

賈音古

三年春正月丁丑赦天下

董卓遣牛輔將兵屯陝輔

分遣校尉北地李傕張掖郭汜武威張濟將步騎數萬

擊破朱儁於中牟

儁古岳翻汜音祀又字梵翻

因掠陳留潁川諸縣

所過殺虜無遺初荀淑有孫曰或少有才名

少詩照翻

何顓

見而異之曰王佐才也及天下亂或謂父老曰潁川四

戰之地

言其地平四面受敵

宜亟避之鄉人多懷土不能去或獨

率宗族去依韓馥會袁紹已奪馥位待或以上賓之禮

或度紹終不能定大業

度徒洛翻

聞曹操有雄畧乃去紹從

操操與語大悅曰吾子房也

比之張良

以為奮武司馬

操初起兵

為奮武將軍故以或為奮武司馬

其鄉人留者多為催記等所殺袁

紹自出拒公孫瓚與瓚戰於界橋南二十里

水經大河右瀆東北

逕鉅鹿郡廣宗縣故城南又東北逕界城亭北又東北逕信都郡武彊縣故城東北蓋於河濱上作橋註又云清河東北逕界城亭東水上有大梁謂之界城橋賢曰今貝州宗城縣側有古畧城此城近枯漳水界橋當在此水上杜佑曰界橋在貝州宗城縣東

兵八百先登彊弩千張夾承之璣輕其兵少縱騎騰之

義兵伏楯下不動未至十數步一時同發譙呼動地許

元

翻璣軍大敗斬其所置冀州刺史嚴綱

考異曰九州春秋作劉綱今

從范書

獲甲首千餘級追至界橋璣歛兵還戰義復破

魏志

之復扶遂到璣營拔其牙門賢曰真人水鏡經曰凡軍始出必令完堅若有折將

軍不利牙門旗竿軍之精也即周禮司職云軍旅會同置旌門是也餘衆皆走初兗州刺

史劉岱與紹瓚連和紹令妻子居岱所瓚亦遣從事范

方將騎助岱及瓚擊破紹軍語岱令遣紹妻子

語牛倨翻別

敕范方若岱不遣紹家將騎還吾定紹將加兵於岱岱

與官屬議連日不決聞東郡程昱有智謀召而問之昱

曰若棄紹近援而求瓚遠助此假人於越以救溺子之

說也

言勢不能相及也越人習水故以為能救溺溺如歷翻

夫公孫瓚非袁紹之

敵也今雖壞紹軍

壞音怪

然終為紹所禽岱從之范方將

其騎歸未至而瓚敗

曹操軍頓丘

頓丘縣屬東郡師古曰以丘名縣也

丘一成為頓丘謂一頓而成也或曰成重也一重之丘也

于毒等攻東武陽操引兵

西入山攻毒等本屯

毒等時掠魏郡屯于西山

諸將皆請救武陽操

曰使賊聞我西而還武陽自解也不還我能敗其本屯

虜不能拔武陽必矣

敗補邁翻

遂行毒聞之棄武陽還操遂

擊眭固及匈奴於扶羅於內黃

內黃縣屬魏郡陳留有外黃故加內眭息隨翻

皆大破之

董卓以其弟旻為左將軍兄子璜為中軍

校尉皆典兵事宗族內外並列朝廷卓侍妾懷抱中子

皆封侯弄以金紫卓車服僭擬天子招呼三臺

三臺尚書臺御

史臺符節臺也晉書曰漢官尚書為中臺御史為憲臺謁者為外臺是謂三臺

尚書以下皆自

諸卓府啟事又築塢於郿

英雄記曰郿去長安二百六十里漢書郿音媚地名

高

厚皆七丈積穀為三十年儲自云事成雄據天下不成

守此足以畢老卓忍於誅殺諸將言語有蹉跌者

蹉倉何翻

跌徒結翻

便戮於前人不聊生司徒王允與司隸校尉黃琬

僕射士孫瑞尚書楊瓚密謀誅卓中郎將呂布便弓馬

膂力過人

膂脊骨也

卓自以遇人無禮行止常以布自衛甚

愛信之誓為父子然卓性剛褊嘗小失卓意卓拔手戟

擲布

手戟小戟便
于擊刺者

布拳捷

勇力為拳
迅疾為捷

避之而改容顧謝

卓意亦解布由是陰怨于卓卓又使布守中閣而私於

傅婢益不自安王允素善待布布見允自陳卓幾見殺

之狀

幾居
希翻

允因以誅卓之謀告布使為內應布曰如父

子何曰君自姓呂本非骨肉今憂死不暇何謂父子擲

戟之時豈有父子情邪布遂許之夏四月丁巳帝有疾

新愈大會未央殿卓朝服乘車而入

魏祕書監秦靜曰
漢氏承秦改六冕

之制朝服俱玄冠絳衣而已晉名曰陳兵夾道自營至

五時朝服有四時朝服又有朝服

宮左步右騎屯衛周市

市作答翻

令呂布等扞衛前後王允

使士孫瑞自書詔以授布

使尚書僕射自書詔者懼其泄也

布令同郡

騎都尉李肅

考異曰袁紀作李肅今從范書魏志

與勇士秦誼陳衛等

十餘人偽著衛士服

著陟畧翻

守北掖門內以待卓卓入門

肅以戟刺之

刺七亦翻下同

卓衷甲不入

衷甲者被甲於內而加衣甲上傷臂

墮車顧大呼曰

呼火故翻

呂布何在布曰有詔討賊臣卓大

罵曰庸狗敢如是邪布應聲持矛刺卓趣兵斬之

趣讀曰促

主簿田儀及卓蒼頭前赴其尸布又殺之凡所殺三人
布即出懷中詔版以令吏士曰詔討卓耳餘皆不問吏
士皆正立不動大稱萬歲百姓歌舞於道長安中士女
賣其珠玉衣裝市酒肉相慶者填滿街肆弟旻璜等及

宗族老弱在郿皆為其羣下斫射死

射而亦翻

暴卓尸於市

暴薄木翻

天時始熱卓素充肥脂流於地守尸吏為大

又薄報翻

炷炷燈也所著者燭

置卓臍中然之光明達曙如是積日諸袁

門生聚董氏之尸焚灰揚之於路塢中有金二三萬斤

銀八九萬斤錦綺奇玩積如山以王允錄尚書事呂

布為奮威將軍假節儀比三司

奮武將軍始於漢元帝用任千秋為之沈約曰

呂布為奮武將軍儀比三司猶儀同三司也

封溫侯

溫縣屬河內郡周大夫蘇忿生之邑

共秉

朝政

朝直通翻

卓之死也左中郎將高陽侯蔡邕在王允坐

高陽縣屬涿郡又陳留國縣有高陽亭坐祖卧翻

聞之驚歎允勃然叱之曰董

卓國之大賊幾亡漢室

幾居希翻

君為王臣所宜同疾而懷

其私遇反相傷痛豈不共為逆哉即收付廷尉邕謝曰

身雖不忠古今大義耳所厭聞口所常玩豈當背國而

嚮卓也

背蒲妹翻

願黥首刖足繼成漢史

初邕徙朔方自徙中上書乞續漢書

諸志蓋其所學所志者在此

士大夫多矜救之不能得太尉馬日磾

謂允曰伯喈曠世逸才

蔡邕字伯喈

多識漢事當續成後史

為一代大典而所坐至微誅之無乃夫人望乎允曰昔

武帝不殺司馬遷使作謗書流於後世

賢曰凡史官記事善惡必書謂

遷所記但是漢家不善之事皆為謗也非獨指武帝之身即高祖善家令之言武帝第緝椎酤之類是也班固集云史遷著書成一家之言至以身陷刑故微文譏刺貶損當世非義士也

方今國祚中衰

中竹仲翻

戎馬在郊不可令佞臣執筆在幼主左右既無益

聖德復使吾黨蒙其訕議

復扶又翻

日碑退而告人曰王公

其無後乎善人國之紀也制作國之典也滅紀廢典其

能久乎邕遂死獄中初黃門侍郎荀攸與尚書鄭泰侍中

种輯等謀曰董卓驕忍無親雖資彊兵實一匹夫耳可

直刺殺也

刺七亦翻顯伍瓊同謀

考異曰魏志云攸與何

事垂就

而覺收攸繫獄泰逃薜袁術攸言語飲食自若會卓死

得免青州黃巾寇兗州劉岱欲擊之濟北相鮑信諫

曰今賊衆百萬百姓皆震恐士卒無鬪志不可敵也然

賊軍無輜重唯以鈔畧為資

重直用翻

今不若畜士衆之力

先為固守彼欲戰不得攻又不能其勢必離散然後選精銳據要害擊之可破也岱不從遂與戰果為所殺曹

操部將東郡陳宮謂操曰州今無主而王命斷絕宮請

說州中綱紀

綱紀即謂州別駕及治中諸從事也說翰芮翻下同

明府尋往牧之

牧之謂為州牧

資之以收天下此霸王之業也宮因往說別駕

治中曰今天下分裂而州無主曹東郡命世之才也若

迎以牧州必寧生民鮑信等亦以為然乃與州吏萬潛

等至東郡迎操領兗州刺史操遂進兵擊黃巾於壽張

東不利賊衆精悍

悍下罕翻又侯肝翻

操兵寡弱操撫循激勵明

設賞罰承間設奇

間古覓翻

晝夜會戰戰輒禽獲賊遂退走

鮑信戰死操購求其喪不得乃刻木如信狀祭而哭焉

詔以京兆金尚為兗州刺史將之部操逆擊之尚奔袁

術

為後建安二年尚不屈於術張本

五月

考異曰范書丁酉大赦袁紀丁未大赦按是年正月丁

丑大赦及李傕求赦王允曰一歲不再赦然則五月必無赦也以征西將軍皇甫嵩為車

騎將軍

初呂布勸王允盡殺董卓部曲允曰此輩無

罪不可布欲以卓財物班賜公卿將校允又不從允素

以劍客遇布布負其功勞多自誇伐既失意望漸不相

平允性剛稜疾惡

賢曰稜威稜也音力登翻余謂稜方稜也剛稜猶言剛方

初懼董

卓故折節下之

下遐稼翻

卓既殲滅自謂無復患難

殲息廣翻復扶

又翻難乃旦翻

頗自驕傲以是羣下不甚附之允始與士孫瑞

議特下詔赦卓部曲既而疑曰部曲從其主耳今若名

之惡逆而赦之恐適使深自疑非所以安之也乃止又

議悉罷其軍或說允曰涼州人素憚袁氏而畏關東今

若一旦解兵開關必人人自危可以皇甫義真為將軍就領其衆因使留陝以安撫之允曰不然關東舉義兵者皆吾徒也今若距險屯陝雖安涼州而疑關東之心

不可也

陝失冉翻

時百姓訛言當悉誅涼州人卓故將校遂

轉相恐動皆擁兵自守

將即亮翻校戶教翻

更相謂曰蔡伯喈但

以董公親厚尚從坐今既不赦我曹而欲使解兵今日

解兵明日當復為魚肉矣

更工衡翻復扶又翻

呂布使李肅至陝

以詔命誅牛輔等逆與肅戰肅敗走弘農布誅殺之

輔惟怯失守

王去翻

會營中無故自驚輔欲走為左右所

殺李傕等還

傕等自陳留潁川還也

輔已死傕等無所依遣使詣

長安求救王允曰一歲不可再赦不許傕等益懼不知所

為欲各解散間行歸鄉里

間古蒐翻

討虜校尉武威賈詡曰

諸君若棄軍單行則一亭長能束君矣

長知兩翻

不如相率

而西以攻長安為董公報仇

為于偽翻

事濟奉國家以正天

下若其不合

不合謂事不濟不與本計合也

走未晚也傕等然之乃相

與結盟率軍數千晨夜西行王允以胡文才楊整脩皆

涼州大人

賢曰大人謂大家豪右又曰大人長老之稱言尊事之也

召使東解釋之

不假借以溫顏謂曰關東鼠子欲何為邪卿往呼之於

是二人往實召兵而還催隨道收兵比至長安

比必寐翻及也

已十餘萬與卓故部曲樊稠李蒙等合圍長安城城峻

不可攻守之八日

考異曰魏志云十日今從范書

呂布軍有叟兵內

反

賢曰叟兵即蜀兵也漢代謂蜀為叟

六月戊午引催衆入城放兵虜掠

布與戰城中不勝將數百騎以卓頭繫馬鞍出走駐馬

青瑣門外

衛瓘曰青瑣戶邊青鏤也一曰天子門內有眉格再重裏青畫曰瑣

招王允同

去允曰若蒙社稷之靈上安國家吾之願也如其不獲

則奉身以死之朝廷幼少

朝廷謂天子也

恃我而已臨難苟免

吾不忍也

難乃旦翻

努力謝關東諸公勤以國家為念太常种

拂曰為國大臣不能禁暴禦侮使白刃向宮去將安之

遂戰而死催汜屯南宮掖門殺太僕魯

達音

大鴻臚

周奭

臚陵如翻

城門校尉崔烈越騎校尉王頌

頌音祈

吏民死

者萬餘人狼籍滿道王允扶帝上宣平門避兵

三輔黃圖曰長

安城東向北頭門號

宣平門上時掌翻 催等於城門下伏地叩頭帝謂催

等曰卿等放兵縱橫欲何為乎

橫戶孟翻

僉等曰董卓忠於

陛下而無故為呂布所殺臣等為卓報讎

偽手偽翻

非敢為

逆也請事畢詣廷尉受罪僉等圍門樓共表請司徒王

允出問太師何罪允窮蹙乃下見之已未赦天下以李

傁為揚武將軍郭汜為揚烈將軍

揚武將軍始於建武之初馬成為之揚烈

將軍蓋始於是時

樊稠等皆為中郎將僉等收司隸校尉黃琬

殺之初王允以同郡宋翼為左馮翊王宏為右扶風

允太

原人僉等欲殺允恐二郡為患乃先徵翼宏宏遣使謂翼曰

郭汜李傕以我二人在外故未危王公

危謂殺也

今日就徵

明日俱族計將安出翼曰雖禍福難量

量音良

然王命所

不得避也宏曰關東義兵鼎沸欲誅董卓今卓已死其

黨與易制耳

易以豉翻

若舉兵共討傕等與山東相應此轉

禍為福之計也翼不從宏不能獨立遂俱就徵甲子傕

收允及翼宏并殺之允妻子皆死宏臨命詒曰

詒許候翻又古

候翻怒罵也

宋翼豎儒不足議大計

賢曰豎者言賤劣如僮豎

傕尸王允

於市莫敢收者故吏平陵令京兆趙戩棄官收而葬之

戩

踐

始允自專討卓之勞士孫瑞歸功不侯故得免於難

臣光曰易稱勞謙君子有終吉

易繫辭曰勞而不伐有功而不德厚之至

也語以其功下人者也德言盛禮言恭謙也者致恭以存其位者也程頤註曰有勞而能謙又須君子行之有終則吉夫樂高喜勝人之常情平時能謙固已鮮矣況有功勞可尊者雖使知謙之善勉而為之若矜負之心不忘則不能常久欲其有終不可得也惟君子安履謙順故久而不變乃所謂有終則吉也士孫瑞有功不伐以保其身可不謂之智乎

崔等以賈詡為左馮翊欲侯之詡曰此救命之計何功之有固辭不受又以為尚書僕射詡曰尚書僕射官之

師長

長知兩翻

天下所望詡名不素重非所以服人也乃以

為尚書

呂布自武關蒞南陽袁術待之甚厚布自恃

有功於袁氏

謂殺董卓為袁氏報仇也

恣兵鈔掠

鈔楚交翻

術患之布不

自安去從張楊於河內李傕等購求布急布又逃歸袁

紹 丙子以前將軍趙謙為司徒 秋七月庚子以太

尉馬日磾為太傅錄尚書事

磾丁亥翻

八月以車騎將軍

皇甫嵩為太尉

詔太傅馬日磾太僕趙岐杖節鎮撫

關東 九月以李傕為車騎將軍領司隸校尉假節郭

汜為後將軍樊稠為右將軍張濟為驃騎將軍皆封侯

驃匹
抄翻

催汜稠筦朝政

筦與
管同

濟出屯弘農

司徒趙謙罷

甲申以司空淳于嘉為司徒光祿大夫楊彪為司空錄

尚書事

初董卓入關說韓遂馬騰與其圖山東

說輸
尚翻

遂騰率衆詣長安會卓死李傕等以遂為鎮西將軍

遣還金城騰為征西將軍遣屯郿

晉書職官志曰四征
起於漢代四鎮通於

桑

冬十月荊州刺史劉表遣使貢獻以表為鎮南將

軍荊州牧封成武侯

成武侯前漢屬山陽
郡後漢屬濟陰郡

十二月太

尉皇甫嵩免以光祿大夫周忠為太尉參錄尚書事

曹操追黃巾至濟北悉降之

濟子禮翻降戶江翻

得我卒三十餘萬

男女百餘萬口收其精銳者號青州兵

所降者青州黃巾也故號青州

兵操辟陳留毛玠為治中從事玠言於操曰今天下分

崩乘輿播蕩生民廢業饑饉流亡公家無經歲之儲百

姓無安固之志難以持久夫兵義者勝

魏相嘗引是言

守位以

財

易大傳曰何以聚人曰財何以守位曰仁

宜奉天子以令不臣脩耕植以

畜軍資

操之所以芟草雄者在迎天子都許也田積穀而已二事乃玠發其謀也

如此則霸

王之業可成也操納其言遣使詣河內太守張楊欲假

塗西至長安楊不聽定陶董昭說楊曰

說輪內翻

袁曹雖為

一家勢不久羣曹今雖弱然實天下之英雄也當故結

之

故者結交之因也謂因事而結之

況今有緣宜通其上事

上時掌翻下同

并

表薦之若事有成永為深分

分扶問翻契分也

楊於是通操上

事仍表薦操昭為操作書與李傕郭汜等

為子偽翻

各隨輕

重致殷勤傕汜見操使以為關東欲自立天子今曹操

雖有使命非其誠實

使疏吏翻

議留操使黃門侍郎鍾繇說

宦汜曰方今英雄並起各矯命專制唯曹兗州乃心王

室而逆其忠款非所以副將來之望也宦汜乃厚加報

答

當是時董昭在河內鍾繇在長安操不能使也而繇各為操道地蓋聞其雄畧先為效用以自結也

皓之會孫也

鍾皓見五十三卷桓帝建和三年

徐州刺史陶謙與諸

守相共奏記推朱儁為太師

守式又翻相悉亮翻

因移檄牧伯欲

以同討李傕等奉迎天子會李傕用太尉周忠尚書賈

詡策徵儁入朝儁乃辭謙議而就徵復為太僕公孫

瓚復遣兵擊袁紹至龍湊

龍湊地名在平原界漢晉春秋載紹與瓚書曰龍河之師

嬴兵前誘大兵未濟而足下膽破衆散不鼓而敗則龍
湊蓋河津也詳味紹書龍湊宜在勃海界又袁譚軍龍
湊曹操攻之拔平原走保南皮
蓋在平原界也復扶又翻下同
紹擊破之瓚遂還幽州
不敢復出
揚州刺史汝南陳溫卒袁紹使袁遺領揚

州袁術擊破之遺走至沛為兵所殺術以下邳陳瑀為

揚州刺史

考異曰獻帝紀四年三月袁術殺陳溫據淮南魏志
術傳云術殺溫領其州裴松之按英雄記溫自病死不

為術所殺九州春秋曰初平三年揚州刺史陳瑀死
術以瑀領揚州蓋陳瑀當為陳溫實以三年卒今從之

四年春正月甲寅朔日有食之 丁卯赦天下

考異曰袁紀

五月丁卯赦
今從范書

曹操軍甄城

甄城縣屬濟陰郡賢曰今
濮州縣也甄音絹蜀本作

是野為袁術為劉表所逼引兵屯封丘黑山別部及匈奴

於扶羅皆附之曹操擊破術軍遂圍封丘術走襄邑又

走寧陵

封丘襄邑二縣屬陳留郡寧陵縣屬梁國宋白曰封丘古封國之地左傳所謂封父之繁弱是

也漢為封丘縣寧陵縣古寧城漢高祖改為寧陵縣操追擊連破之術走九江揚

州刺史陳瑀拒術不納術退保陰陵集兵於淮北復進

向壽春

陰陵壽春二縣皆屬九江郡壽春揚州刺史治所復扶又翻

瑀懼走歸下邳

術遂領其州兼稱徐州伯李傕欲結術為援以術為左

將軍封陽翟侯

陽翟縣屬潁川郡

假節

袁紹與公孫瓚所置

青州刺史田楷連戰二年士卒疲困糧食並盡互掠百姓野無青草紹以其子譚為青州刺史楷與戰不勝會趙岐來和解關東瓚乃與紹和親各引兵去 三月袁

紹在薄落津

續漢志安平國經縣西有漳水津名薄落津鉅鹿郡饒陶縣有薄落亭水經註漳水

還鉅鹿縣故城西水 魏郡兵反與黑山賊于毒等數萬有故津謂之薄落津

人共覆鄴城殺其太守紹還屯斥丘

斥丘縣屬鉅鹿郡賢曰故城在今相

州成安縣東南十三州志云土地斥南故云斥丘

夏曹操還軍定陶 徐州

治中東海王朗及別駕琅邪趙昱說刺史陶謙曰求諸

侯莫如勤王

左傳晉大夫狐偃之言說輸芮翻

今天子越在西京宜遣

使奉貢謙乃遣昱奉章至長安詔拜謙徐州牧加安東

將軍封漂陽侯

漂陽縣屬丹陽郡

以昱為廣陵太守朗為會稽

太守是時徐方百姓殷盛

古語多謂州為方故八州八伯謂之方伯書曰惟此陶唐

有此冀方詩曰徐方不庭是也

穀實差豐流民多歸之而謙信用讒邪

疎遠忠直

遠于願翻

刑政不治由是徐州漸亂許劭避地廣

陵謙禮之甚厚劭告其徒曰陶恭祖外慕聲名內非貞

正

陶謙字恭祖

待吾雖厚其勢必薄遂去之後謙果捕諸寓

士人乃服其先識 六月扶風大雨雹

雨千具翻

華山崩

裂華戶化翻

太尉周忠免以太僕朱儁為太尉錄尚書事

下邳闕宣聚眾數千人

賢曰風俗通曰闕姓也承闕黨童子之後縱橫家有闕子

若自稱天子陶謙擊殺之

考異曰范書謙傳作闕宣今從魏志武紀及謙傳魏武

紀又曰謙與宣共舉兵取泰山華費掾任城謙傳亦云謙始與合從後遂殺之并其眾按謙據有徐州託義勦王何藉宣數千之眾而與之合從蓋謙別將與宣共襲曹嵩故曹操以此為謙罪而伐之耳

大雨晝

夜二十餘日漂沒民居 袁紹出軍入朝哥鹿腸山

朝哥

縣屬河內邵賢曰朝哥故城在今衛縣西續漢志曰朝哥有鹿腸山

討于毒圍攻五日破

之斬毒及其衆萬餘級紹遂尋山北行進擊諸賊左髡
大八等皆斬之又擊劉石青牛角黃龍左校郭大賢李
大目于氏根等復斬數萬級皆屠其屯壁遂與黑山賊
張燕及四營屠各鴈門烏桓戰於常山

復扶又翻屠直
於翻屠各句奴

種

燕精兵數萬騎數千匹紹與呂布共擊燕連戰十餘

日燕兵死傷雖多紹軍亦疲遂俱退呂布將士多暴橫

橫戶
孟翻

紹患之布因求還雒陽紹承制以布領司隸校尉

遣壯士送布而陰圖之布使人鼓箏於帳中

說文箏樂
也鼓強竹

身十三弦蒙恬所造一說秦人薄義父子爭瑟而分之
因以為名案箏制與瑟同瑟二十五弦而箏十三弦故
云然風俗通箏秦聲五弦筑身箏者上間象天下平象
地中空準六合弦柱十二擬十二月乃仁智之器也今
并涼二州箏形如瑟不知誰改
也釋名箏施絃高箏箏然音爭

密亡去送者夜起斫帳
被皆壞明旦紹聞布尚在懼閉城自守布引軍復歸張

楊 前太尉曹嵩避難在琅邪難乃其子操令泰山太

守應劭迎之嵩輜重百餘兩重直用翻陶謙別將守陰

平陰平縣屬東海郡賢曰故士卒利嵩財寶掩襲嵩於

華費間殺之前漢志華費二縣皆屬泰山郡續漢志泰

山有費縣無華縣蓋并省也水經時水南

過華縣東又南過費縣東入沂賢
曰費縣故城在費縣東北費音秘

并少子德秋操引兵

擊謙攻拔十餘城至彭城大戰謙兵敗走保郟

郟縣屬東海郡

徐州刺史治所初京雒遭董卓之亂民流移東出多依徐土遇

操至坑殺男女數十萬口於泗水水為不流

為于偽翻

操攻

郟不能克乃去攻取慮睢陵夏丘

三縣皆屬下邳國杜佑曰泗川下邳縣北

有漢武原故城又北有郟縣故城睢陵故城在下邳東

南夏丘堯封禹為夏伯邑於此漢為夏丘縣師古曰取

音燭又音秋慮音廬

睢音雖夏戶雅翻

皆屠之雞犬亦盡墟邑無復行人

冬十月辛丑京師地震有星孛于天市

孛字蒲內翻

司

空楊彪免丙午以太常趙溫為司空錄尚書事 劉虞

與公孫瓚積不相能瓚數與袁紹相攻

數所角
翻下同

虞禁之

不可而稍節其稟假瓚怒屢違節度又復侵犯百姓虞

不能制乃遣驛使奉章陳其暴掠之罪瓚亦上虞稟糧

不周

上時
亭翻

二奏交馳互相非毀朝廷依違而已

依違言
甲奏上

則依甲而違乙乙奏上則依乙而違甲無決然之是非也瓚乃築小城於薊城東南

以居之

薊縣屬廣陽國幽州
牧所治也薊音計

虞數請會瓚輒稱病不應

虞恐其終為亂乃率所部兵合十萬人以討之時瓚部

曲放散在外倉卒掘東城欲走

卒與
猝同

虞兵無部伍不習

戰又愛民廬舍救不聽焚燒戒軍士曰無傷餘人殺一

伯珪而已

公孫瓚
字伯珪

攻圍不下瓚乃簡募銳士數百人因

風縱火直衝突之虞衆大潰虞與官屬北奔居庸

居庸
縣屬

上谷郡胡嶠曰自幽州西北入居庸關宋祁曰唐妁州

懷戎縣東南五十里有居庸塞東連盧龍碣石西屬太

行常山實

天下之險瓚追攻之三日城陷執虞并妻子還薊猶使

領州文書會詔遣使者段訓增虞封邑督六州事拜瓚

前將軍封易侯

易縣前漢屬
涿郡後漢省

瓚乃誣虞前與袁紹等謀

稱尊號脅訓斬虞及妻子於薊市故常山相孫瑾掾張

逸張瓚等相與就虞罵瓚極口然後同死

掾俞絹翻

瓚傳虞

首於京師故吏尾敦於路劫虞首歸葬之

賢曰尾姓敦名余按古有

尾生虞以恩厚得衆心北州百姓流舊莫不痛惜

流者他州人流

入幽州者也舊者舊皆籍幽州者也

初虞欲遣使奉章詣長安而難其人

衆咸曰右北平田疇年二十二年雖少

少詩照翻

然有奇材

虞乃備禮請以為掾具車騎將行疇曰今道路阻絕寇

虜縱橫稱官奉使為衆所指願以私行期於得達而已

虞從之疇乃自選家客二十騎俱上西關出塞傍北山

傍步浪翻西關即居

直趣朔方循間道至長安致命

趣

庸關北山即陰山

喻翻間

詔拜疇為騎都尉疇以天子方蒙塵未安不可

以荷佩榮寵

荷下可翻

固辭不受得報馳還比至虞已死

必

寐

疇謁祭虞墓陳發章表

章表當依下文作章報

哭泣而去公孫

瓚怒購求獲疇謂曰汝不送章報我何也疇曰漢室衰

積人懷異心唯劉公不失忠節章報所言於將軍未美

恐非所樂聞

樂音洛

故不進也且將軍既滅無罪之君又

讎守義之臣疇恐燕趙之士皆將蹈東海而死莫有從

將軍者也瓚乃釋之疇北歸無終

無終縣屬右北平郡春秋無終子之國疇

蓋其縣人宋白曰無終唐為薊州玉田縣

率宗族及他附從者數百人埽地

而盟曰君仇不報吾不可以立於世遂入徐無山中

徐無

縣屬右北平郡有徐無山

營深險平敞地而居躬耕以養父母

養羊亮翻

百姓歸之數年間至五千餘家疇謂其父老曰今衆成

都邑而莫相統一又無法制以治之

治直之翻

恐非久安之

道疇有愚計願與諸君共施之可乎皆曰可疇乃為約

束相殺傷犯盜諍訟者

諍讀曰爭晉王沈釋時論開
羊勇敢於饗諍叶韻平聲

隨輕

重抵罪重者至死凡一十餘條又制為婚姻嫁娶之禮

興學校講授之業

校戶
教翻

班行於衆衆皆便之至道不捨

遺北邊翕然服其威信烏桓鮮卑各遣使致饋時悉撫

納令不為寇

十二月辛丑地震

司空趙溫免乙巳

以衛尉張喜為司空

資治通鑑卷六十

欽定四庫全書

史部

資治通鑑卷六十一

詳校官編修_臣范來宗

洗馬_臣王坦修覆勘

總校官_{知縣臣}楊懋珩

校對官庶臺_臣范鏊

騰錄監生_臣呂日永

欽定四庫全書

資治通鑑卷六十一

宋 司馬光 撰

胡三省 音註

漢紀五十三

起開逢閏茂盡朔
蒙大淵獻凡三年

孝獻皇帝丙

興平元年春正月辛酉赦天下 甲子帝加元服 二

月戊寅有司奏立長秋宮詔曰皇妣宅兆未卜

孝經卜
其宅兆

而安厝之
兆塋域也

何忍言後宮之選乎壬午三公奏改葬皇妣

王夫人追上尊號曰靈懷皇后

王夫人死見五十八卷
靈帝光和四年皇后紀

曰改葬文昭

陵上時掌翻

陶謙告急於田楷楷與平原相劉備救

之備自有兵數千人謙益以丹陽兵四千備遂去楷歸

謙謙表為豫州刺史屯小沛

沛國治相縣而沛自為縣
屬沛國時人謂沛縣為小

沛由此時呼備為劉豫州豫州刺史本治譙備領刺史
而屯小沛按此時又有豫州刺史郭貢朝命不行私相
署置者也曹操軍食亦盡引兵還馬騰私有求於李傕

傕古

翻

不獲而怒欲舉兵相攻帝遣使者和解之不從韓遂

率眾來和騰催既而復與騰合

遂知催之不足
與也復扶又翻

諫議大

夫种邵侍中馬宇左中郎將劉範謀使騰襲長安已為

內應以誅催等壬申騰遂勒兵屯長平觀

种音冲觀古玩翻

邵等

謀泄出犇槐里催使樊稠郭汜及兄子利擊之騰遂敗

走還涼州又攻槐里邵等皆死庚申詔赦騰等

催等力不能制

騰遂因下詔赦之

夏四月以騰為安狄將軍遂為安降將軍

二將

軍號一時暫置耳後世不復置降戶江翻

曹操使司馬荀彧壽張令程昱守

甄城

甄城縣屬濟陰郡水經註曰沅州舊治魏武創業始於此河上之邑最為峻固甄當作鄆續漢志兗

州刺史治昌邑宋白曰漢獻帝於鄆城置兗州蓋曹操以刺史始治此

復往攻陶謙

復扶又翻

遂略地至琅邪東海所過殘滅還擊破劉備於郯東謙

恐欲走歸丹陽

謙丹陽人也

會陳留太守張邈叛操迎呂布

操乃引軍還

還從宣翻又如字

初張邈少時好游俠

少詩照翻好呼到翻

俠戶類翻

袁紹曹操皆與之善及紹為盟主有驕色

盟主事見五十

九卷初平元年

邈正議責紹紹怒使操殺之操不聽曰孟卓親

友也是非當容之今天下未定奈何自相危也操之前

攻陶謙

見上卷上年

志在必死敕家曰我若不還往依孟卓

後還見邈垂泣相對

泣垂淚也

陳留高柔謂鄉人曰曹將軍

雖據兗州本有四方之圖未得安坐守也而張府君恃

陳留之資將乘間為變

間古
覓翻

欲與諸君避之何如衆人

皆以曹張相親柔又年少不然其言柔從兄幹自河北

呼柔柔舉宗從之

高幹從袁
紹在河北

呂布之捨袁紹從張楊也

事見上
卷上年

過邈

過工
禾翻

臨別把手共誓紹聞之大恨邈畏操

終為紹殺已也

為于
偽翻

心不自安前九江太守陳留邊讓

嘗譏議操操聞而殺之并其妻子讓素有才名由是兗

州士大夫皆恐懼陳宮性剛直壯烈內亦自疑乃與從

事中郎許汜王楷及邈弟超共謀叛操宮說邈曰

說輸
芮翻

下同今天下分崩雄傑並起君以千里之衆當四戰之地

撫劍顧盼亦足以為人豪而反受制於人不亦鄙乎今

州軍東征

謂操兵征
徐州也

其處空虛呂布壯士善戰無前若

權迎之共牧兗州觀天下形勢俟時事之變此亦縱橫

之一時也

縱子
容翻

邈從之時操使宮將兵留屯東郡遂以其

衆潛迎布為兗州牧布至邈乃使其黨劉翊告荀彧曰

呂將軍來助曹使君擊陶謙宜亟供其軍食衆疑惑彧

知邈為亂即勒兵設備急召東郡太守夏侯惇於濮陽

惇來布遂據濮陽

濮陽本翻

時操悉軍攻陶謙留守兵少

少詩

翻而督將大吏多與邈宮通謀

督將領兵大吏通掌州郡事督將即亮翻

惇

至其夜誅謀叛者數十人衆乃定豫州刺史郭貢率衆數萬來至城下或言與呂布同謀衆甚懼貢求見荀彧

或將往惇等曰君一州鎮也

謂一州倚之為重也

往必危不可或

曰貢與邈等分非素結也

分扶問翻

今來速計必未定及其

未定說之縱不為用可使中立

賢曰不令其有所去就也說輸荀翻下同

若

先疑之彼將怒而成計貢見或無懼意謂郾城未易攻

易以
鼓翻

遂引兵去是時宛州郡縣皆應布唯鄆城范東阿

不動

賢曰范縣屬東郡今濮陽縣
東阿縣屬東郡今濟州縣也

布軍降者言陳宮欲

自將兵取東阿又使汜嶷取范

降戶江翻汜音咸翻皇
甫謚云本姓凡氏遭秦

亂避地於汜水因
氏焉嶷鄂力翻

吏民皆恐程昱奉東阿人或謂昱曰

今舉州皆叛唯有此三城宮等以重兵臨之非有以深

結其心三城必動君民之望也宜往撫之昱乃歸過范

說其令斬允曰

過工禾翻說輪為翻斬居嶷
翻姓也戰國楚有韋臣斬尚

聞呂布執

君母弟妻子孝子誠不可為心今天下大亂英雄並起
必有命世能息天下之亂者此智者所宜詳擇也得主
者昌失主者亡陳宮叛迎呂布而百城皆應似能有為
然以君觀之布何如人哉夫布麤中少親剛而無禮匹
夫之雄耳宮等以勢假合不能相君也

相如字言不能
相與定君臣之

分也

兵雖衆終必無成曹使君智略不世出殆天所授君

必固范我守東阿則田單之功可立也

田單事見五卷
周赧王三十六

年孰與違忠從惡而母子俱亡乎唯君詳慮之允流涕

曰不敢有貳心時汎嶷已在縣允乃見嶷伏兵刺殺之

刺七
亦翻 歸勒兵自守

徐衆評曰允於曹公未成君臣母至親也於義應去

衛公子開方仕齊積年不返管仲以為不懷其親安

能愛君

齊桓公問管仲曰開方何如對曰棄親以適君非人情難親

是以求忠臣

必於孝子之門允宜先救至親徐庶母為曹公所得

劉備遣庶歸北欲為天下者恕人子之情也

事見後六十五

卷建安十三年
曹公亦宜遣允

昱又遣別騎絕倉亭津

水經註河水過東阿縣北河水於范縣東北流為倉亭津述征

記倉亭津在范縣界去東阿六十里

陳宮至不得渡昱至東阿東阿令

川棗祇已率厲吏民拒城堅守

潁川文士傳棗氏本姓棘避難改焉

卒完

三城以待操操還執昱手曰微子之力吾無所歸矣表

昱為東平相屯范呂布攻鄆城不能下西屯濮陽曹操

曰布一旦得一州不能據東平斷亢父泰山之道乘險

要我

東平國當亢父泰山之道亢父本屬東平章帝元和元年分屬任城賢曰亢父故城在兗州任城縣

而乃屯濮陽吾知其無能為也乃進攻之五月以揚

武將軍郭汜為後將軍安集將軍樊稠為右將軍

安集將軍

一時暫置

並開府如三公合為六府

時太傅馬日磾出使李傕以車騎將軍開府汜

稠又開府與三公合為六府

皆參選舉李傕等各欲用其所舉若一

違之便忿憤喜怒主者患之乃以次第用其所舉

主者蓋尚

書也先從催起汜次之稠次之三公所舉終不見用

河

西四郡以去涼州治遠隔以河寇

涼州刺史本治漢陽郡冀縣時寇賊繁興

遂與河西隔絕河寇蓋羣盜阻河為寇者

上書求別置州六月丙子詔以陳

留邯鄲商為雍州刺史典治之

風俗通邯鄲以國為姓余謂邯鄲非國也蓋以

邑為姓左傳晉有邯鄲午時
置雍州治武威治直之翻

丁丑京師地震戊寅又

震乙酉晦日有食之秋七月壬子太尉朱雋免

戊午以太常楊彪為太尉錄尚書事甲子以鎮南將

軍楊定為安西將軍開府如三公自四月不雨至于

是月穀一斛直錢五十萬長安中人相食帝令侍御史

侯汶出太倉米豆為貧人作糜汶音聞糜粥也為于偽翻餓死者如

故帝疑稟賦不實稟給也賦與也取米豆各五升於御前作糜

得二盆乃杖汶五十於是悉得全濟觀此則獻帝非昏蔽而無知也然終

以失天下者威權去已而小惠不足以得民也

八月馮翊羌寇屬縣郭汜樊

稠等率衆破之 呂布有別屯在濮陽西曹操夜襲破

之未及還會布至身自搏戰自旦至日昃

昃徒結翻日昃也數

十合相持甚急操募人陷陳

陳讀曰陣

司馬陳留典韋將應

募者進當之

典姓韋名

布弓弩亂發矢至如雨韋不視謂等

人曰

等人者立等以募人及等者謂之等人或曰等人一等應募之人也

虜來十步乃白

之等人曰十步矣又曰五步乃白等人懼疾言虜至矣

韋持戟大呼而起

呼火故翻

所抵無不應手倒者布衆退會

日暮操乃得引去拜韋都尉令常將親兵數百人繞大

帳左右濮陽大姓田氏為反間

間右
覓翻

操得入城燒其東

門示無反意及操軍敗布騎得操而不識問曰曹操何

在操曰乘黃馬走者是也布騎乃釋操而追黃馬者操

突火而出至營自力勞軍令軍中促為攻具進復攻之

既自力勞軍又促軍進攻者恐既敗之後士氣衰沮也勞力到翻復扶又翻

與布相守百餘

日蝗蟲起百姓大餓布糧食亦盡各引去九月操還鄆

城布到乘氏

乘氏縣屬濟陰郡應劭曰春秋魯敗宋師於乘丘即其地宋白曰今濟州鉅野縣西

南五十七里乘氏故城是也乘繩證翻

為其縣人李進所破東屯山陽冬

十月操至東阿袁紹使人說操欲使操遣家居鄴

說輸芮翻

操新失兗州軍食盡將許之程昱曰意者將軍殆臨事

而懼不然何慮之不深也夫袁紹有并天下之心而智

不能濟也將軍自度能為之下乎

度徒洛翻

將軍以龍虎之

威可為之韓彭邪今兗州雖殘尚有三城能戰之士不

下萬人以將軍之神武與文若昱等收而用之

荀彧字文若

霸王之業可成也願將軍更慮之操乃止十二月司

徒淳于嘉罷以衛尉趙溫為司徒錄尚書事 馬騰之

攻李傕也劉焉二子範誕皆死議郎河南龐羲素與焉

善乃募將焉諸孫入蜀 龐皮江翻將如字 會天火燒城

焉徙治成都 劉焉初居縣竹 疽發背而卒 說文曰疽久癰 州大吏趙驍

等貪焉子璋溫仁共上璋為益州刺史 驍羽鬼翻 詔拜

潁川扈瑁為刺史 瑁音冒 璋將沈彌婁發甘寧反擊璋不

勝走入荊州詔乃以璋為益州牧璋以建為征東中郎將

率眾擊劉表屯胸臆 胸臆縣屬巴郡師古曰胸音劬晉書音義胸音蠢臆如允翻賢曰胸臆故

城在今夔州雲安縣西萬戶故城是也

開州盛山縣漢胸肥地余據今雲安軍漢胸肥縣地土

地多胸肥蟲故名劉禹錫曰

胸肥蚯蚓也裴松之曰肥如振翻

徐州牧陶謙疾篤

謂別駕東海糜竺曰

非劉備不能安此州也謙卒竺率州人迎備備未敢

當曰袁公路近在壽春

袁術字君可以州與之典農校

尉下邳陳登曰

據裴松之註三國志云陶謙表登為典

農校尉魏志曰曹公置典農校尉秩比

二千石蓋先已有此

官曹公增其秩耳

公路驕豪非治亂之主

治直今欲

為使君合步騎十萬

為于上可以匡主濟民下可以割

偽翻

地守境

觀登此言固未易才也

若使君不見聽許登亦未敢聽使

君也北海相孔融謂備曰袁公路豈憂國忘家者邪冢

中枯骨何足介意

據陳壽志備謂竺等曰袁公路近在壽春此君四世五公君可以州歸之

融言冢中枯骨何足介意正為四世五公發也

今日之事百姓與能天與不取

悔不可追

易曰人謀鬼謀百姓與能言百姓惟能者是與也前書曰天與不取反受其咎

備遂

領徐州

初太傅馬日磾與趙岐俱奉使至壽春

碑丁奚翻

岐守志不撓

撓奴教翻

袁術憚之日磾頗有求於術術侵侮之

從日磾借節視之因奪不還條軍中十餘人使促辟之

日磾從術求去術留不遣又欲逼為軍師日磾病其失

節嘔血而死

杜預曰病者以為已病也

初孫堅娶錢唐吳氏生四

男策權翊匡及一女堅從軍於外留家壽春策年十餘

歲已交結知名舒人周瑜與策同年亦英達風成

風早也

聞

策聲問自舒來造焉便推結分好

造七到翻分扶問翻推分而結好也好呼

到翻下同

勸策徙居舒策從之瑜乃推道旁大宅與策

推吐雷翻

升堂拜母有無通共及堅死策年十七還葬曲阿

曲阿縣屬

吳郡賢曰今潤州縣余據曲阿古雲陽縣也秦時言其地有天子氣始皇鑿北阮以敗其勢截直道使阿曲故

謂之曲阿杜佑曰曲阿今丹陽郡丹陽縣

已乃渡江居江都結納豪俊有復

讐之志

以父堅為黃祖所殺也

丹陽太守會稽周昕與袁術相惡

會工外翻

街上策舅吳景領丹陽太守

上時掌翻

攻昕奪其郡以

策從兄賁為丹陽都尉

從才用翻下賢從同

策以母弟託廣陵張

紘徑到壽春見袁術涕泣言曰亡父昔從長沙入討董卓

卓與明使君會於南陽同盟結好不幸遇難勲業不終

事見五十九卷初平元年二年難乃且翻

策感惟先人舊恩欲自憑結願明

使君垂察其誠術甚奇之然未肯還其父兵謂策曰孤

用貴舅為丹陽太守賢從伯陽為都尉

舅謂吳景孫貴字伯陽

彼

精兵之地

丹陽號為天下精兵處

可還依召募策遂與汝南呂範

及族人孫河迎其母詣曲阿依舅氏因緣召募得數百

人而為涇縣大帥祖即所襲

涇縣屬丹陽郡賢曰今宣州縣姓譜祖商祖已之後

帥所類翻

幾至危殆於是復往見術

幾居希翻復扶又翻下同

術以堅餘

兵千餘人還策表拜懷義校尉策騎士有罪逃入術營

隱於內廐策指使人就斬之訖詣術謝

謝入術營專殺也

術曰

兵人好叛當共疾之

好呼到翻

何為謝也由是軍中益畏憚

之術初許以策為九江太守已而更用丹陽陳紀更工術翻

後術欲攻徐州從廬江太守陸康求米三萬斛康不與

術大怒遣策攻康謂曰前錯用陳紀錯誤也每恨本意不

遂今若得康廬江真卿有也策攻康拔之術復用其故

吏劉勲為太守又翻策益失望侍御史劉繇岱之弟也

素有盛名詔書用為揚州刺史州舊治壽春續漢志揚州本治歷

陽蓋中世以後徙治壽春也術已據之繇欲南渡江吳景孫賁迎置

曲阿及策攻廬江繇聞之以景賁本術所置懼為袁孫

所并遂構嫌隙迫逐景賁景賁退屯歷陽

歷陽縣屬九江郡今和州

繇遣將樊能于康屯橫江張英屯當利口以拒之

橫江渡在

今和州正對江南之采石即今之楊林渡口當利浦在今和州東十二里

術乃自用故吏惠

衢為揚州刺史

惠姓也戰國時梁有惠施

以景為督軍中郎將與賁

共將兵擊英等

二年春正月癸丑赦天下

考異曰袁紀作癸酉按長歷是月癸卯朔無癸酉今從

范書

曹操敗呂布於定陶

敗補邁翻

詔即拜袁紹為右將

軍

即拜者就拜之也時紹在鄴就鄴拜之考異曰袁紀作後將軍今從范書

董卓初死

三輔民尚數十萬戶李傕等放兵劫掠加以饑饉二年

間民相食略盡李傕郭汜樊稠各相與矜功爭權欲鬪

者數矣

數所角翻

賈詡每以大體責之雖內不能善外相含

容樊稠之擊馬騰韓遂也李利戰不甚力稠叱之曰人

欲截汝父頭

利催兄子也故云然

何敢如此我不能斬卿邪及騰

遂敗走稠追至陳倉遂語稠曰

語牛倨翻

本所爭者非私怨

王家事耳與足下州里人

韓遂金城人與樊稠皆涼州人也

欲相與善

語而別乃俱却騎前接馬交臂相加共語良久而別軍

還李利告催韓樊交馬語不知所道意愛甚密催亦以

稠勇而得衆忌之稠欲將兵東出關從催索益兵

索山客翻

二月催請稠會議便於坐殺稠

坐組卧翻

由是諸將轉相疑

貳催數設酒請郭汜

數所角翻

或留汜止宿汜妻恐汜愛

催婢妾思有以間之

間工覓翻

會催送饋

餉食曰饋

妻以豉為藥

擲以示汜曰

豉是義翻擲他歷翻挑也

一栖不兩雄我固疑將軍信

李公也

以雞為喻也一栖而兩雄必鬪

他日催復請汜飲大醉

復扶又翻下同

汜疑其有毒絞糞汁飲之

糞汁解衆毒

於是各治兵相攻矣

治直
之翻

帝使侍中尚書和催汜催汜不從汜謀迎帝幸其

營夜有亡者告催三月丙寅催使兄子暹將數千兵圍

宮以車三乘迎帝

暹息廉翻將即亮
翻乘繩證翻下同

太尉楊彪曰自古

帝王無在人家者諸君舉事奈何如是暹曰將軍計定

矣於是羣臣步從乘輿以出兵即入殿中掠宮人御物帝

至催營催又徙御府金帛置其營遂放火燒宮殿官府

居民悉盡帝復使公卿和催汜汜留楊彪及司空張喜

尚書王隆光祿勳劉淵衛尉士孫瑞太僕韓融廷尉宣

璠

璠字袁翻

大鴻臚榮邵

榮姓也前書有男子榮畜姓譚周榮公之後邵為問翻人古今翻

大司農朱儁將作大匠梁邵屯騎校尉姜宣等於其營

以為質

質音致下同

朱儁憤懣發病死

懣音悶又音滿

夏四月甲

子立貴人琅邪伏氏為皇后以后父侍中完為執金吾

郭汜饗公卿議攻李傕楊彪曰羣臣共鬪一人劫天

子一人質公卿可行乎

質音致

汜怒欲手刃之彪曰卿尚

不奉國家吾豈求生邪中郎將楊密固諫汜乃止傕召

羌胡數千人先以御物繒絲與之

繒慈陵翻

許以宮人婦女

欲令攻郭汜汜陰與僊黨中郎將張苞等謀攻僊丙申

汜將兵夜攻僊門矢及帝簾帷中又貫僊左耳苞等燒

屋火不然楊奉於外拒汜汜兵退苞等因將所領兵歸

汜是日僊復移乘輿幸北塢

據僊汜和後然後帝得出長安宣平門則北塢蓋在

長安城中僊汜於城中各築塢而居也復扶又翻

使校尉監塢門

監工衙翻

內外隔

絕侍臣皆有饑色帝求米五斗牛骨五具以賜左右僊

曰朝晡上飪

上時掌翻飪與飯同

何用米為乃以臭牛骨與之帝

大怒欲詰責之侍中楊琦諫曰僊自不知所犯悖逆欲轉

車駕幸池陽黃白城

池陽縣屬馮翊賢曰故城在今涇陽縣西北水經註曰黃白城本曲

梁宮也詰去吉翻悖蒲妹翻又蒲沒翻

臣願陛下忍之帝乃止司徒趙溫

與倕書曰公前屠陷王城殺戮大臣今爭睚眦之隙

牛

懈翻怒視也背疾智翻目際也毛晃曰厓背舉目相忤貌亦作眦士懈翻

以成千鈞之讎

千鈞

言重也朝廷欲令和解詔命不行而復欲轉乘輿於黃白

城此誠老夫所不解也

乘繩證翻解胡買翻曉也

於易一為過再為

涉三而弗改滅其頂凶

易大過上六曰過涉滅頂凶溫依此而分一再三之義

不

如早共和解倕大怒欲殺溫其弟應諫之數日乃止

據獻

帝起居註應溫故據也

催信巫覡厭勝之術

覡如歷番國語在女曰巫在男曰覡厭益

涉翻

常以三牲祠董卓於省門外每對帝或言明陛下或

言明帝為帝說郭汜無狀

為于偽翻

帝亦隨其意應答之催

喜自謂良得天子歡心也

良信也

閏月己卯帝使謁者僕

射皇甫酈和催汜

考異曰袁紀酈作麗今從范書

酈先詣汜汜從命

又詣催催不肯曰郭多盜馬虜耳

英雄記曰郭汜一名多

何敢欲

與吾等邪必誅之君觀吾方略士衆足辦郭多否邪郭

多又劫質公卿

質音致下同

所為如是而君苟欲左右之邪

左右助也
音佐佑

酈曰近者董公之彊將軍所知也呂布受恩

而反圖之斯須之間身首異處此有勇而無謀也今將

軍身為上將荷國寵榮

荷下
可翻

汜質公卿而將軍脅主誰

輕重乎張濟與汜有謀楊奉白波賊帥耳

帥所
類翻

猶知將

軍所為非是將軍雖寵之猶不為用也催呵之令出酈

出詣省門白催不肯奉詔辭語不順

天子所居曰禁中
亦曰省中省門即

禁門也

帝恐催聞之亟令酈去催遣虎賁王昌呼欲殺之

昌知酈忠直縱令去還答催言追之不及辛巳以車

騎將軍李傕為大司馬在三公之右 呂布將薛蘭李

封屯鉅野

鉅野縣屬山陽郡郭周於此置濟州

曹操攻之布救蘭等不勝

而走操遂斬蘭等操軍乘氏

乘氏證翻

以陶謙已死欲遂取

徐州還乃定布荀彧曰昔高祖保關中光武據河內

高祖

取天下令蕭何守關中光武經營河內令寇恂守河內皆以為王業根本

皆深根固本以制

天下進足以勝敵退足以堅守故雖有困敗而終濟大

業將軍本以兗州首事平山東之難

賢曰曹操初從東郡守鮑信等遙領

兗州牧遂進兵破黃巾等故能平定山東也余據此時山東猶未盡平或誇之耳難乃旦翻

百姓無

不歸心悅服且河濟天下之要地也

禹貢兗州之域孔安國曰東南據濟

西北距河濟子禮翻

今雖殘壞猶易以自保

易以鼓翻

是亦將軍之關

中河內也不可以不先定今已破李封薛蘭若分兵東

擊陳宮宮必不敢西顧以其間收熟麥約食畜穀一舉

而布可破也破布然後南結揚州

謂結劉繇也

共討袁術以

臨淮泗若舍布而東

舍讀作捨

多留兵則不足用少留兵則

民皆保城不得樵采布乘虛寇暴民心益危唯甄城范

衛可全

衛謂濮陽杜預曰濮陽古衛地甄當作鄆

其餘非已之有是無兗州

也若徐州不定將軍當安所歸乎且陶謙雖死徐州未

易亡也

易以鼓翻

彼懲往年之敗將懼而結親

結親猶言親結也

相

為表裏今東方皆已收麥必堅壁清野以待將軍攻之不拔略之無獲不出十日則十萬之衆未戰而先自困

耳前討徐州威罰實行

謂多所屠戮也

其子弟念父兄之耻必

人自為守無降心就能破之尚不可有也

徐州子弟既有父兄之讎

必不心服於操縱破其兵猶不能有其地也降戶江翻

夫事故有棄此取彼者以

大易小可也以安易危可也權一時之勢不患本之不

固可也今三者莫利惟將軍熟慮之操乃止布復從東

緡

東緡縣屬山陽郡春秋之緡邑也宋白曰今濟州金鄉縣本漢東緡縣復扶又翻緡音巾翻

與陳

宮將萬餘人來戰操兵皆出收麥在者不能千人屯營

不固屯西有大隄其南樹木幽深操隱兵隄裏出半兵

隄外布益進乃令輕兵挑戰

挑徒了翻

既合伏兵乃悉乘隄

前書音義曰乘登也

步騎並進大破之追至其營而還布夜走操

復攻拔定陶分兵平諸縣布東蒞劉備張邈從布使

其弟超將家屬保雍丘

雍丘縣屬陳留郡故杞國也

布初見備甚尊

敬之謂備曰我與卿同邊地人也

布五原人備涿郡人五原涿郡皆邊地

布見關東起兵欲誅董卓布殺卓東出關東諸將無安

布者皆欲殺布耳請備於帳中坐婦牀上令婦向拜酌

酒飲食名備為弟備見布語言無常外然之而內不悅

李傕郭汜相攻連月死者以萬數六月傕將楊奉謀

殺傕事泄遂將兵叛傕傕衆稍衰

果如皇甫
卿之言

庚午鎮東

將軍張濟自陝至

陝縣屬弘農張濟初平三年出戍焉陝式冉翻

欲和傕汜遷

乘輿權幸弘農

乘經證
翻下同

帝亦思舊京

謂維
陽也

遣使宣諭十

反汜僱許和欲質其愛子

質音致下同

僱妻愛其男和計未

定而羌胡數來闕省門

數所角翻

曰天子在此中邪李將軍許

我宮人今皆何在帝患之使侍中劉艾謂宣義將軍賈

詡曰

宣義將軍亦一時暫置

卿前奉職公忠故仍升榮寵今羌胡

滿路宜思方略詡乃召羌胡大帥飲食之

帥所類翻飲於禁翻食讀

曰許以封賞羌胡皆引去僱由此單弱於是復有言和

解之計者

復扶又翻

僱乃從之各以女為質秋七月甲子車

駕出宣平門

宣平門長安城東出北頭第一門

當度橋汜兵數百人遮

橋曰此天子非也車不得前催兵數百人皆持大戟在

乘輿車前兵欲交待中劉艾大呼曰是天子也使侍中

楊琦高舉車帷帝曰諸君何敢迫近至尊邪

呼火故翻
近其勒翻

汜兵乃却既度橋士衆皆稱萬歲夜到霸陵從者皆饑

從才
用翻

張濟賦給各有差催出屯池陽丙寅以張濟為票

騎將軍開府如三公

票匹
妙翻

郭汜為車騎將軍楊定為後

將軍楊奉為興義將軍皆封列侯

以楊奉自白波賊帥
勅王故以興義寵之

又以故牛輔部曲董承為安集將軍

蜀志曰承獻帝舅
也裴松之曰承靈

帝母董太后之姪於獻帝為丈人蓋古無丈人之名故謂之舅也

郭汜欲令車駕幸高

陵

高陵縣屬馮翊

公卿及濟以為宜幸弘農大會議之不決帝

遣使諭汜曰弘農近郊廟

近其斬翻

勿有疑也汜不從帝遂

終日不食汜聞之曰可且幸近縣八月甲辰車駕幸新

豐丙子郭汜復謀脅帝還都郿

復扶又翻下同

侍中种輯知之

密告楊定董承楊奉令會新豐郭汜自知謀泄乃棄軍

入南山

自新豐驪山西接終南謂之南山

曹操圍雍丘張邈詣袁術

求救未至為其下所殺

冬十月以曹操為兗州牧

戊戌郭汜黨夏育高碩等謀脅乘輿西行

夏戶雅翻

侍中劉

艾見火起不止請帝出幸一營以避火

時郭汜楊定董承楊奉各自為

營艾不敢指言故請幸一將營惟帝意所向也

楊定董承將兵迎天子幸楊奉

營夏育等勒兵欲止乘輿楊定董承力戰破之乃得出

壬寅行幸華陰

華戶化翻

寧輯將軍段熲具服御及公卿已

下資儲欲上幸其營

寧輯之號猶安集亦一時暫置也熲烏回翻

熲與楊定

有隙定黨种輯左靈言熲欲反太尉楊彪司徒趙溫侍

中劉艾尚書梁紹皆曰段熲不反臣等敢以死保董承

楊定脅弘農督郵令言郭汜來在煨營帝疑之乃露次

於道南

野宿無廬舍謂之露次

丁未楊奉董承楊定將攻煨使种

輯左靈請帝為詔帝曰煨罪未著奉等攻之而欲令朕

有詔邪輯固請至夜半猶弗聽奉等乃輒攻煨營十餘

日不下煨供給御膳稟贍百官無有二意

贍而

詔使侍

中尚書告諭定等令與煨和解定等奉詔還營李傕郭

汜悔令車駕東聞定攻煨相招共救之因欲劫帝而西

楊定聞傕汜至欲還藍田為汜所遮單騎亡走荊州張

濟與楊奉董承不相平乃復與傁汜合十二月帝幸弘農張濟李傁郭汜共追乘輿大戰於弘農東澗承奉軍敗百官士卒死者不可勝數棄御物符策典籍畧無所

遺

凡乘輿服御之物皆為御物符銅虎符竹使符之類符之為言扶也兩相扶合而不差也又曰符輔也所以輔信又合也驗也策編簡為之古者誥命皆書之策

漢制天子策書長二尺典籍內府圖籍及尚書中故事

之類勝

射聲校尉沮傁被創墜馬

沮子余翻創初良翻

傁謂左右

曰尚可活否傁罵之曰汝等凶逆逼劫天子使公卿被

害

被皮義翻

宮人流離亂臣賊子未有如此也傁乃殺之壬

申帝露次曹陽

賢曰曹陽澗名在今陝州西南七里俗謂之七里澗崔韶云自南山北通於河

魏武帝改曰好陽杜佑曰陝郡西四十里有曹陽澗以下文觀之杜佑說是承奉乃謫僉等

與連和而密遣間使至河東

謫古穴翻間古見翻使疏吏翻

招故白波

帥李樂韓暹胡才

帥所類翻暹魚廉翻

及南匈奴右賢王去卑並

率其衆數千騎來與承奉共擊僉等大破之斬首數千

級於是董承等以新破僉等可復東引庚申車騎發東

自曹陽發

而東行也董承李樂衛乘輿胡才楊奉韓暹匈奴右賢

王於後為拒僉等復來戰奉等大敗死者甚於東澗先

祿鄧淵廷尉宣璠

璠字袁翻

少府田芬大司農張義皆死司

徒趙溫太常王絳衛尉周忠司隸校尉管邵為僉所遮

欲殺之

邵古合翻又曷閤翻

賈詡曰此皆大臣卿奈何害之乃止

李樂曰事急矣陛下宜御馬上曰不可舍百官而去此

何辜哉

觀帝此言發於臨危之時豈可以亡國之君侍之哉特為強兵所制耳舍讀曰捨

兵相

連綴四十里方得至陝

杜佑曰陝春秋號國之地所謂北虢也

乃結營自

守時殘破之餘虎賁羽林不滿百人僉汜兵繞營叫呼

呼火故翻

吏士失色各有分散之意李樂懼欲令車駕御船

過砥柱出孟津

水經註河水逕大陽縣南又東過底柱間底柱山名也昔禹治洪水山陵常水

者鑿之故破山以通河河水分流包山而過山見水中若柱然故曰底柱三穿既決水勢疎分指狀表目亦曰三門山在號城東北大陽城東自底柱而下至五戶灘其間一百二十里有一十九灘水流湍急破舟船自古所患河水又東過平陰縣北又東過河陽縣南則孟津也楊彪以為河道險難非萬

乘所宜乘

萬乘繩證翻下乘輿同

乃使李樂夜渡潛具船舉火為

應上與公卿步出營皇后兄伏德扶后一手挾絹十疋

董承使符節令孫徽從人間斫之

百官志符節令屬少府秩六百石為符節

臺率主符節事

殺旁侍者血濺后衣

濺子賤翻

河岸高十餘

夫高居

不得下乃以絹為輦使人居前負帝餘皆匍匐

而下或從上自投冠幘皆壞既至河邊士卒爭赴舟董

承李樂以戈擊之手指於舟中可掬

左傳晉荀林父帥師戰于邲而敗中

軍與下軍爭舟舟中之指可掬也

帝乃御船同濟者皇后及楊彪以下

纔數十人其宮女及吏民不得渡者皆為兵所掠奪衣

服俱盡髮亦被截凍死者不可勝計

勝音升

衛尉士孫瑞

為催所殺催見河北有火遣騎候之適見上渡河呼曰

汝等將天子去邪董承懼射之以被為幔

懼催兵射之故以被為幔

以禦箭慢莫半翻

幕也射而亦翻

既到大陽

賢曰大陽縣屬河東郡前書音義曰在大河之陽即

今陝州河北縣是也

幸李樂營河內太守張楊使數千人負米來

貢餉乙亥帝御牛車幸安邑

安邑縣屬河東郡

河東太守王邑

奉獻綿帛悉賦公卿以下

賦給與也分界也

封邑為列侯拜胡

才為征東將軍張楊為安國將軍

安國將軍之號蓋始於此

皆假節

開府其壘壁羣帥競求拜職

帥所稱

刻印不給至乃以錐

畫之乘輿居棘籬中門戶無關閉天子與羣臣會兵士

伏籬上觀互相鎮壓以為笑

鎮側人翻

帝又遣太僕韓融至弘

農與催汜等連和催乃放遣公卿百官頗歸所掠宮人

及乘輿器服已而糧穀盡宮人皆食菜果乙卯張楊自

野王來朝

野王縣屬河內郡
隋唐為河內縣

謀以乘輿還雒陽諸將不

聽楊復還野王是時長安城空四十餘日彊者四散羸

者相食

羸倫
為翻

二三年間關中無復人跡沮授說袁紹曰

將軍累葉台輔世濟忠義今朝廷播越

播流也遷也越
顛墜也走也賢

曰播遷也越逸也言失
其所居說輸芮翻下同

宗廟殘毀觀諸州郡雖外託義

兵內實相圖未有憂存社稷卹民之意今州域粗定

州域

謂冀州之域也粗坐五翻

兵強士附西迎大駕即宮鄴都

即就

挾天

子而令諸侯畜士馬以討不庭

不庭謂不朝者杜預曰下之事上皆成禮於庭

中一曰庭直也

誰能禦之賴川郭圖淳于瓊曰漢室陵

遲為日久矣

王肅註家語曰言若丘陵之漸遠遲

今欲興之不亦難乎且

英雄並起各據州郡連徒聚衆動有萬計所謂秦失其

鹿先得者王倘迎天子自近

近其

動輒表聞從之則權

輕違之則拒命非計之善者也授曰今迎朝廷於義為

得於時為宜若不早定必有先之者矣紹不從

紹不能從授之

言果為曹操所先帝既都許乃欲移以自近不亦晚乎
先悉薦翻 考異曰魏志紹傳曰天子在河東紹遣郭

圖使馬圖還說紹迎天子

都鄴紹不從今從范書 初丹陽朱治嘗為孫堅校尉

治從堅討長沙零桂賊表行都尉又
從破董卓於陽人表行督軍校尉 見袁術政德不立

勸孫策歸取江東時吳景攻樊能張英等歲餘不克策

說術曰家有舊恩在東願助舅討橫江橫江拔因投本

土召募可得三萬兵以佐明使君定天下

策本江東人故謂之本土

術知其恨

謂許以九江廬江而不用也

而以劉繇據曲阿王朗在會

稽

會工外翻

謂策未必能定乃許之表策為折衝校尉將兵

千餘人騎數十匹

校戶教翻將即亮翻騎奇寄翻

行收兵比至歷陽

必比

寐翻

衆五六千時周瑜從父尚為丹陽太守

從才用翻

瑜將兵

迎之仍助以資糧策大喜曰吾得卿諧也

諧偶也合也史言推結分

好正當於此觀之又當於此別分好二字英雄相遇於草澤一見之頃靡然為之服役此豈聲音笑貌所能為

哉進攻橫江當利皆拔之樊能張英敗走策渡江轉鬬

所向皆破莫敢當其鋒者百姓聞孫郎至皆失魂魄

江表

傳曰策年少雖有位號而吳人皆謂之孫郎

長吏委城郭竄伏山草

山草言深山茂草之

中也李固對策曰臣伏從山草痛心傷臆則山草二字當時常談也長知兩番

及策至軍士奉

令不敢虜略雞犬菜茹一無所犯

茹亦菜也

民乃大悅競以

牛酒勞軍策為人美姿顏能笑語濶達聽受善於用人

是以士民見者莫不盡心樂為致死

勞力到翻樂音洛為于偽翻考異

曰魏志袁紀皆云初平四年策受袁術使渡江漢獻帝紀吳志孫策傳皆云興平元年虞溥江表傳云策興平二年渡江按術初平四年始得壽春策傳云術欲攻徐州從陸康求米事必在劉備得徐州後也劉繇傳稱吳景攻繇歲餘不克則策渡江不應在興平元年已前今依江表傳為定策攻劉繇牛渚營

郡國志丹陽郡秣陵縣南有牛渚杜佑曰牛渚圻即宣城郡當塗縣采石今太平州當塗縣北三十里有牛渚山是也盡得邸閣糧穀戰具

邸至也言所歸至也閭度置也邸閣謂轉輸之歸至而度

置之也

時彭城相薛禮下邳相丹陽笮融依繇為盟主禮

據秣陵城

沈約曰秣陵其地本名金陵本治去京邑六十里今故治村是也元豐九域志江寧府江

寧縣有秣陵鎮丁度集韻笮側格切姓也風俗通楚有笮倫

融屯縣南策皆擊破之

又破繇別將於梅陵

唐書地理志宣州南陵縣有梅根鎮今有梅根港

轉攻湖

孰江乘皆下之

郡國志丹陽郡有湖孰江乘二縣元豐九域志江寧府上元縣有湖孰鎮進

擊繇於曲阿繇同郡太史慈時自東萊來省繇

太史以官為氏

繇與慈皆東萊人也省慈景翻

會策至或勸繇可以慈為大將繇曰

我若用子義

太史慈字子義

許子將不當笑我邪

以其覈論但人品也

使慈偵視輕重

偵丑正翻
候視也

時獨與一騎卒遇策於神亭

神亭在今鎮江府丹陽縣界卒讀曰猝

策從騎十三

從才用翻

皆堅舊將遼西

韓當零陵黃蓋輩也慈便前鬪正與策對策刺慈馬

刺

亦翻而擘得慈項上手戟

擘與攬同

慈亦得策兜鍪會兩家兵

騎並各來赴於是解散

若論技擊則慈策適相當耳然慈終困於策何也

繇與

策戰兵敗走丹徒

考異曰帝紀繇敗走在興平元年今從江表傳

策入曲阿

勞賜將士

勞力到翻

發恩布令告諭諸縣其劉繇笮融等故

鄉部曲來降首者一無所問

首式救翻

樂從軍者一身行

樂音洛下

同復除門戶

復方目翻一人以自
行除其門戶賦役也

不樂者不強

強其
兩翻

旬

日之間四面雲集得見兵二萬餘人

見賢
遍翻

馬千餘匹威

震江東丙辰袁術表策行殄寇將軍

殄寇將軍號
蓋始於此

策將

呂範言於策曰今將軍事業日大士衆日盛而綱紀猶

有不整者範願暫領都督佐將軍部分之

分扶
問翻

策曰子

衡既士大夫

呂範字
子衡

加手下已有大衆立功於外

範先
領宛

陵令破丹
陽賊而還

豈宜復屈小職知軍中細事乎範曰不然今

捨本土而託將軍者非為妻子也

呂範汝南人復扶
又翻為于偽翻

欲

濟世務也譬猶同舟涉海一事不牢卽俱受其敗此亦

範計非但將軍也策笑無以答範出便釋襟著袴褶居

侯翻單衣也著陟畧翻
褶席入翻袴褶騎服也

執鞭詣閣下啟事自稱領都督

策乃授傳

傳株戀翻
符傳也

委以衆事由是軍中肅睦威禁大

行

老子曰盜亦有道儻
無其道安能為盜哉

策以張紘為正議校尉彭城張

昭為長史常令一人居守

守手
又翻

一人從征討及廣陵秦

松陳端等亦參與謀謨

與諸
曰預

策待昭以師友之禮文武

之事一以委昭昭每得北方士大夫書疏專歸美於昭

策聞之歡笑曰昔管子相齊一則仲父二則仲父而桓

公為霸者宗

新序曰有司請吏於齊桓公公曰以告仲父有司又請公曰以告仲父在側者曰一

則告仲父二則告仲父易哉為君公曰吾未得仲父則難已得仲父曷為其不易故王者勞於求賢佚於得人

今子布賢我能用之

張昭字子布

其功名獨不在我乎

策任張昭

昭何足以當管仲策之斯言蓋因北方人士書疏從而歸重耳英雄冒次可易測邪袁術以從弟

盾為丹陽太守

從才用翻

周尚周瑜皆還壽春劉繇自丹徒

將犇會稽

會工外翻

許劭曰會稽富實策之所貪且窮在海

隅不可往也不如豫章北連豫壤西接荊州若收合吏

民遣使貢獻與曹兗州相聞雖有袁公路隔在其間其

人豺狼不能久也

豫章在大江東南豫兗之壤在淮北袁術時據九江廬江之間故云隔在

其足下受王命孟德景升必相救濟

曹操字孟德劉表字景升 繇從

之初陶謙以笮融為下邳相使督廣陵下邳彭城糧

運融遂斷三郡委輸以自入

斷請曰短委於偽翻流所聚曰委毛晃曰凡以物送

之曰輸則音平聲指所送之物曰輸則音去聲委輸之委亦音去聲

大起浮屠祠課人誦

讀佛經招致旁郡好佛者至五千餘戶

好呼到翻

每浴佛釋氏

謂佛以四月八日生事

佛者以是日為浴佛會輒多設飲食布席於路經數十

里費以鉅億計

鉅億計言以億億計也

及曹操擊破陶謙徐土不

安融乃將男女萬口走廣陵

將即亮翻

廣陵太守趙昱待以

賓禮先是彭城相薛禮為陶謙所逼屯秣陵融利廣陵

資貨遂乘酒酣殺昱放兵大掠因過江依禮既而復殺

之

先悉薦翻復扶又翻

劉繇使豫章太守朱皓攻袁術所用太守

諸葛玄玄退保西城

西城在豫章南昌縣西

考異曰袁

守范書陶謙傳亦云劉表所用而陳志諸葛亮傳云術所用按許劭勸繇依表必不攻其所用也今從亮傳

及繇沂江西上駐於彭澤

彭澤縣屬豫章郡彭澤在江西上時掌翻

使融助

皓攻玄許劭謂繇曰笮融出軍不顧名義者也朱文明

喜推誠以信人

朱皓字文明喜許記翻

宜使密防之融到果詐殺

皓代領郡事繇進討融融敗走入山為民所殺詔以前

太傅掾華歆為豫章太守

掾手絹翻

丹陽都尉朱治逐吳郡

太守許貢而據其郡貢南依山賊嚴白虎

嚴白虎有衆萬餘人阻山

屯聚在吳郡之南

張超在雍丘曹操圍之急超曰惟臧洪

當來救吾

張超先為廣陵太守請臧洪為功曹委之以政

衆曰袁曹方睦洪為

袁所表用

洪為超使劉虞路梗因寓於袁紹紹表為東郡太守治東武陽

必不敗好

以招禍

敗補邁翻好呼到翻招音翹又如字召也

超曰子源天下義士

臧洪字子

源

終不背本

背蒲妹翻

但恐見制強力

強力謂強有力也

不相及耳

洪時為東郡太守徒跣號泣從紹請兵將赴其難

號戶翻

難乃旦翻

紹不與請自率所領以行亦不許雍丘遂潰張超

自殺操夷其三族洪由是怨紹絕不與通紹興兵圍之

歷年不下紹令洪邑人陳琳以書喻之洪復書曰僕小

人也本乏志用中因行役蒙主人傾蓋

家語孔子之邾過程子於塗傾

蓋而語

恩深分厚遂竊大州寧樂今日自還接刃乎

分扶問翻

洛樂音

當受任之初自謂究竟大事共尊王室豈悟本州

被侵郡將邁卮

郡將謂張超也將即亮翻

請師見拒辭行被拘使洪

故君遂至淪滅區區微節無所獲申豈得復全交友之

道重虧忠孝之名乎

復扶又翻重直用翻

斯所以忍悲揮戈收淚

告絕行矣孔璋足下微利於境外

陳琳字孔璋微一遙翻

臧洪投

命於君親吾子託身於盟主

盟主謂袁紹也

臧洪策名於長安

帝在長安

子謂余身死而名滅僕亦笑子生而無聞焉紹見

洪書知無降意

降戶江翻

增兵急攻城中糧穀已盡外無彊救

洪自度必不免

度徒洛翻

呼將吏士民謂曰袁氏無道所圖

不軌且不救洪郡將洪於大義不得不死念諸君無事

空與此禍

與讀曰豫

可先城未敗將妻子出

先悉薦翻將如字領也

皆

垂泣曰明府與袁氏本無怨隙今為本朝郡將之故自致

殘困吏民何忍當舍明府去也初尚掘鼠煮筋角後無

可復食者

舍讀曰捨復扶又翻下同

主簿啟內厨米三升請稍以為

饘粥

杜預曰饘糜也之連翻

洪歎曰何能獨甘此邪使作薄糜徧

班士衆又殺其愛妾以食將士

食讀曰似

將士咸流涕無能

仰視者男女七八千人相枕而死

枕職任翻

莫有離叛者城

陷生執洪紹大會諸將見洪謂曰臧洪何相負若此今

日服未洪據地瞋目曰諸袁事漢四世五公

自袁安至袁隗四世

安為司徒子敞為司空孫湯為司空曾孫逢為司空隗為太傅凡五公瞋昌真翻

可謂受恩今

王室衰弱無扶翼之意欲因際會希冀非望多殺忠良

以立姦威洪親見呼張陳留為兄

張陳留為超兄也

則洪府君

亦宜為弟同共戮力為國除害

為于偽翻下刀為欲為舉為同

奈何擁

衆觀人屠滅洪惜力劣

劣弱也

不能推刃為天下報仇

公羊傳曰

事君猶事父也父受誅子復讎推刃之道推吐雷翻

何謂服乎紹本愛洪意欲令

屈服原之見洪辭切知終不為已用乃殺之洪邑人陳

容少親慕洪時在紹坐

少詩照翻坐組卧翻下同

起謂紹曰將軍舉

大事欲為天下除暴而先誅忠義豈合天意臧洪發舉

為郡將奈何殺之紹慙使人牽出謂曰汝非臧洪儔空

復爾為

爾為猶如此也

容顧曰仁義豈有常蹈之則君子背之

則小人

背蒲妹翻

今日寧與臧洪同日而死不與將軍同日

而生也遂復見殺

復扶又翻

在坐無不歎息竊相謂曰如何

一日殺二烈士

公孫瓚既殺劉虞

事見上卷
初平四年

盡有幽

州之地志氣益盛恃其才力不恤百姓記過忘善睚眦

必報

睚眦下
睚眦翻

衣冠善士名在其右者必以法害之有

材秀者必抑困使在窮苦之地或問其故瓚曰衣冠皆

自以職分當貴不謝人惠

分扶
問翻

故所寵愛類多商販庸

兒與為兄弟或結婚姻所在侵暴百姓怨之劉虞從事

漁陽鮮于輔等

姓譜鮮于子姓周武王封其子於朝
鮮支子仲食采於于因以鮮于為氏

合

率州兵欲共報仇以燕國閭柔素有恩信推為烏桓司

馬應劭漢官曰護烏桓校尉有司馬二人秩六百石燕於賢翻

柔招誘胡漢數萬人

與瓚所置漁陽太守鄒丹戰于潞北

誘音酉潞縣屬漁陽郡

斬丹

等四千餘級烏桓峭王亦率種人

峭七肖翻種章勇翻

及鮮卑七

千餘騎隨輔南迎虞子和與袁紹將麴義合兵十萬共

攻瓚破瓚於鮑丘

鮑丘水名水經註鮑丘水從塞外來南過漁陽縣東和縣破瓚處也又南

過潞縣西賢曰鮑丘水又謂之潞水俗又謂之大榆河在今幽州漁陽縣

斬首二萬餘級於

是代郡廣陽上谷右北平各殺瓚所置長吏復與鮮于

輔劉和兵合瓚軍屢敗先是有童謠曰

長知兩翻復扶又翻先悉薦翻

燕南垂趙北際中央不合大如礪唯有此中可避世瓚

自謂易地當之遂徙鎮易為圍塹十重於塹裏築京皆

高五六丈為樓其上中塹為京特高十丈

水經註易京在易城西四

五里易水逕其南賢曰前書易縣屬涿郡續漢志曰屬

河間瓚所居易京故城在今幽州歸義縣南十八里爾

雅曰絕高謂之京非人力謂之丘重

自居焉以鐵為門

有龍翻下同高居傲翻塹七艷翻

斥去左右

去羌呂翻

男人七歲以上不得入門專與姬妾居

其文簿書記皆汲而上之

以繩索引之而上若汲水然上時掌翻

令婦人

習為大聲使聞數百步

開音問

以傳宣教令疎遠賓客無

所親信

遠于願翻

謀臣猛將稍稍乖散自此之後希復攻戰

復扶又翻

或問其故瓚曰我昔驅昨胡於塞表

事見五十九卷靈帝中平五年

埽黃巾於孟津

事見上卷初平二年

當此之時謂天下指麾可定

至於今日兵革方始觀此非我所決不如休兵力耕以

救凶年兵法百樓不攻今吾諸營樓櫓數十重

賢曰櫓即櫓字

見說文釋名曰櫓露也上無覆屋

積穀三百萬斛食盡此穀足以待天

下之事矣

南單于於扶羅死弟呼厨泉立居于平陽

平陽縣屬

河東郡

資治通鑑卷六十一